



# Bepalings en voorwaarden

Insluitend Virseker Kompak

**virseker**  
In Produkt van Auto&General

# Inhoud

Algemene bepalinge en voorwaardes .....	2
Motor – omvattend.....	7
Motor – derdeparty, brand en diefstal .....	9
Motor – slegs derdeparty.....	11
Motor – nie-omvattend – Virseker Kompak.....	13
Virseker Kompak 1.....	13
Virseker Kompak 2 .....	14
Virseker Kompak 3.....	14
Veldbakkie – omvattend .....	16
Bromperd (bromponie en/of motorfiets) .....	19
Karavaan.....	21
Karavaan – los inhoud.....	22
Gholfkaretjie – omvattend.....	22
Sleepwa.....	23
Watertuig.....	25
Huisinhoud – omvattend .....	27
Huisinhoud – slegs brand en storm.....	31
Draagbare besittings.....	33
Geboue.....	34

# Algemene bepalinge en voorwaardes

Hier vertel ons vir jou wat jy alles mag en nie mag doen nie.

## Waaruit jou Virseker-polis bestaan

Die skedule, bepalinge en voorwaardes, en enige ander korrespondensie wat jy van ons gekry het (hetsy dit met slakkepos of e-pos was), vorm jou versekeringskontrak. Dit sluit ook enige mondelinge ooreenkomste in wat ons telefonies aangegaan het. Maak seker jy verstaan alles in hierdie dokumente en kyk die kat mooi uit die boom. Kyk asseblief ook of ons jou naam, adres, telefoonnommer en bankbesonderhede – die hele boksemdais – reg het.

Die algemene bepalinge en voorwaardes van hierdie polis is op jou, die polishouer, lede van jou huishouding en enige iemand wat namens jou optree, sowel as enige persoon wat die versekerde items met jou of die lede van jou huishouding of gereelde bestuurder se algemene toestemming gebruik, van toepassing.

## Definisies van terminologie in jou versekeringspolis

### Skedule

Die gedeelte van jou polis wat al die besonderhede van jou polisdekking beskryf. Dit sluit die beskrywing van jou versekerde items, die premie, bybetalings en endossemente wat van toepassing op jou dekking is, in.

### Oor- en onderversekering

Dit verwys na die verskil tussen die versekerde bedrag en die werklike bedrag wat nodig is om al die versekerde eiendom te vervang.

### Elektrisiteitsnetwerk Mislukking

'n Totale of gedeeltelike onderbreking, inmenging, opskorting, verduistering of mislukking van die water-, gas-, brandstof- of elektrisiteitstoevoer vanaf die nasionale, streeks- of private netwerk van Suid-Afrika aan enige versekerde eiendom deur enige oorsaak hoegenaamd.

### Gereelde Bestuurder

Die gereelde bestuurder is die persoon wat die versekerde motor mees dikwels en meer gereeld as enige ander persoon bestuur en wat spesifiek in jou skedule as die gereelde bestuurder genoem word.

### Geen-eis bonus

Jou Geen-Eis Bonus word gebaseer op die aantal jare wat jy omvattend verseker is, sonder enige onderbrekings in dekking en sonder enige eise.

### Gebruik van die Motor

Die tipe gebruik waarvoor jou motor verseker is verskyn op jou skedule. Dit is belangrik om seker te maak dat jou motor vir die korrekte gebruik verseker is. Indien jou motor nie vir die korrekte gebruik verseker is nie, sal jy nie dekking hê wanneer jy eis nie.

### Motor

Enige motor of ligte afleweringmotor wat in Suid-Afrika geregistreer is.

### Bybetaling

Jou bybetaling is die eerste bedrag wat jy betaal wanneer jy eis en word op jou skedule aangedui.

### Addisionele Bybetaling

Enige ekstra bybetaling wat by die basiese bybetaling gevoeg word. Alle addisionele bybetalings word op jou skedule aangedui.

### Lid van Huishouding

Dit is enige persoon wat saam met jou by die residensiële adres woon.

## Stuurman of -vrou

Die persoon wat 'n watertuig beheer of bestuur.

## Hoe ons jou vergoed

Volgens jou ooreenkoms met ons, kan ons jou besittings óf vervang óf laat regmaak, óf jou daarvoor betaal (of 'n kombinasie van die drie). Hiervoor sal ons een van ons eie diensverskaffers gebruik, net om seker te maak dat jy die bes moontlike diens kry.

Indien herstelonderdele van 'n versekerde item nie beskikbaar is nie en dit die herstelling vertraag, sal ons jou nie vergoed vir die ongerief of geld wat jy verloor of vir enige aanspreeklikheid wat jy as gevolg van die vertraging mag aangaan nie, insluitend maar nie beperk tot addisionele motorhuur. Die verlore items wat met geskikte eise teruggevind word of beskadigde items wat nie herstelbaar is nie, word as ons eiendom beskou.

## Wat jy betaal wanneer jy eis – die bybetaling(s)

Elke keer wanneer iets gebeur waarvoor jy eis, moet jy die basiese bybetaling betaal. Jy moet ook enige van die addisionele bybetalings wat op jou skedule verskyn betaal, saam met die basiese bybetaling, waar van toepassing.

## Polisveranderinge en -kansellasië

Ons mag jou polis verander of kanselleer deur jou 31 dae voor die tyd daarvan in kennis te stel. Ons mag jou mondelings, óf met e-pos óf slakkepos laat weet. Laasgenoemde sal na die onlangsste adres wat ons vir jou het gestuur word. As jy op jou beurt weer 'n verandering wil maak of genoeg van ons gehad het en die polis wil kanselleer, is dit geldig vanaf die datum waarop jy so met ons ooreenkom. As hierdie datum in die loop van die maand is, sal ons ongelukkig nie die premie vir daardie maand aan jou kan terugbetaal nie.

## Polishersiening

Jou polis sal jaarliks op die verjaringdatum hersien word. Enige veranderings wat aan jou polis voor die hersieningsdatum gemaak word sal ook aan die jaarlikse hersiening onderwerp wees.

## Betalings

Jou debiet order sal op die datum wat ooreengekom is, afgetrek word. Ons hou die reg voor om die premie op 'n alternatiewe datum te neem, in 'n poging om jou gedek te hou. Jou debietorder kan op 'n vroeër datum geneem word wanneer jou aftrekdatum op 'n Sondag of openbare vakansiedag val.

## Betaling wat nie ontvang word nie

As ons nie die maandelikse premie vir jou polis op die aftrekdatum op jou skedule ontvang nie, sal jy nie versekering hê vir die tyd waarvoor jy nie betaal het nie. Sou jy vanaf die tweede polismaand nie jou premie op die aftrekdatum op jou skedule betaal nie, gee ons jou 'n 15-dae blaaskans na wat ons weer die premie sal aanvra. As ons nie jou premie op die gekose aftrekdatum ontvang het nie, sal ons probeer om weer jou premie op 'n meer geleë datum af te trek. Dis hoe ons jou gedek hou. Sodra ons geen betaling vir drie opeenvolgende maande ontvang het nie, word die polis outomaties gekanselleer.

## Herinstelling van onderbreekte versekering

Wanneer versekering onderbreek word omdat ons nie jou betaling ontvang het nie, het ons die reg om weer jou rekening met die daaropvolgende aftrekking die volgende maand te debiteer, om só te sorg dat jy nie ver van jou goed en naby jou skade is nie. Jy moet ook 'n betaling maak sodat die dekking weer in werking kan tree.

## Deel van Inligting

Ons respekteer die privaatheid van jou inligting. Ons bevestig en openbaar inligting rakende eise, versekering en finansiële geskiedenis waar van toepassing, om reëlmatige versekeringspraktyke te verseker en om versekeringsbedrog te voorkom. Dit is van toepassing op enige iemand wat op hierdie polis gedek is.

## Ons kan namens jou optree

Ons kan ook namens jou optree wanneer jy 'n eis instel. Ons kan teen ander partye eis om kostes te verhaal of om enige eis wat hulle teen jou mag hê te verdedig. Indien jou bybetaling vanaf die ander party verhaal word sal ons dit aan jou terugbetaal.

## Jou verpligtinge

**As jy nie die volgende nakom nie, mag ons jou versekering kanselleer en sal jy nie versekering geniet wanneer jy eis nie. Daarom moet jy asseblief:**

1. korrekte en volledige inligting aan ons verskaf;
2. aan al ons redelike vereistes voldoen;
3. in alle opsigte saam met ons werk om die nodige betalings vir jou eis terug te vorder indien die skade of verlies deur 'n ander party veroorsaak is.
4. alle redelike sorg tref om verlies, skade, dood, besering of aanspreeklikheid te voorkom of te beperk;
5. geen fout erken of enige aanbod maak en/of skikking aanvaar sonder ons geskrewe goedkeuring nie;
6. nie enige vervanging of herstelwerk toelaat wat nog nie deur ons goedgekeur is nie. Jy moet ons goedkeuring kry voordat jy enige beskadigde items laat herstel;
7. ons in kennis stel van enige polisbesonderhede of verklarings wat nie korrek is nie, of indien enige van hierdie besonderhede of verklarings verander;
8. ons inlig as die adres waar jy gewoonlik die versekerde goedere hou verander;
9. ons vertel van enige skuldigbevindings of oortredings wat met jou of enige ander persoon se oneerlikheid verband hou;
10. ons toelaat om toegang tot jou perseel te kry en enige geëisde eiendom in enige opsig wat ons as redelik beskou, te neem, besit te behou daarvan en te hanteer. Jy mag nie enige beskadigde eiendom laat vaar, of ons nou besit daarvan geneem het of nie; en
11. onmiddellik vir ons in kennis stel van enigiets wat die huidige of toekomstige aanvaarding of voortsetting van jou dekking mag beïnvloed, maar wat jy nog nie aan ons bekendgemaak het nie, soos byvoorbeeld kriminele aanklagte van bedrog.

## Belangrike tydbepenkings

**Jou eis sal net betaal word as jy:**

1. ons binne 30 dae ná die insident daarvan laat weet en ons al die volledige feite gee van enigiets waarvoor jy mag eis en waarvan jy bewus geword het;
2. binne 48 uur enige gesteelde of verlore goedere aan die polisie rapporteer;
3. enige inligting, bewyse en dokumente wat jy in verband met enige eis ontvang, binne 14 dae vanaf ons versoek, vir ons gee;
4. alle inligting en dokumentasie waarvoor ons vra, binne 14 dae aan ons verskaf; en
5. enige item wat verlore of gesteel was en teruggevind word na die eis geskik is, moet binne 21 dae deur jou geïdentifiseer word. Indien jy nalaat om met die identifikasie van so 'n item te help, sal enige vergoeding wat betaal is, van jou verhaal word.

## Bewys

Wanneer jy eis, kan ons jou vra om eienaarskap en die waarde van die goedere waarvoor jy eis, te bewys.

## Dubbele Versekering

Indien enige verlies, skade of besering ten opsigte van hierdie polis ook elders deur 'n ander versekeringsprodukt of versekeraar gedek word, sal ons jou slegs vergoed vir ons gedeelte van die verlies.

## Oorversekering

Die doel van versekering is om jou in dieselfde posisie te plaas waarin jy net voor die verlies was, en om jou nie te verryk nie. Ons sal jou slegs vir die werklike verlies uitbetaal. Jy moet jou eiendom vir sy vervangingswaarde verseker, en jy moet verseker dat die waarde in lyn met vervangingswaardes bly.

## Ons vergoed jou nie vir:

Enige eis vir verlies, skade, dood, besering of aanspreeklikheid wat veroorsaak is deur, of voortvloei uit:

## Opstande, oorloë, politiese aksies, openbare wanorde, terrorisme of enige pogings tot sulke aksies:

1. enige opstand, staking of openbare wanorde (insluitend burgerlike oproer, arbeidsonrus of uitsluiting), of enige daad of aktiwiteit wat lei tot of daarop gemik is om opstand, staking of wanorde van enige aard te veroorsaak;
2. oorlog, inval of optrede deur 'n buitelandse vyand, vyandigheid of oorlogbedrywighede (ongeaag of oorlog verklaar is of nie) of burgeroorlog;
3. munitery, militêre opstand, militêre of wederregtelike oorname, krygswetgewing, 'n staat van beleg of enige ander gebeurtenis of oorsaak wat die verklaring of instandhouding van krygswetgewing, 'n staat van beleg, volksopstand, rebellie of revolusie noodsaak;
4. enige daad (of dit nou namens enige organisasie, beheerliggaam, persoon of groep persone gedoen is) wat berekend is of daarop gemik is om enige staat of regering, of enige politieke, plaaslike of stamowerheid, met mag of deur middel van vrees, terrorisme of geweld omver te werp of te beïnvloed;
5. enige daad wat berekend is of daarop gemik is om verlies of skade te berokken ten einde 'n politieke mikpunt, doelwit of doel te bevorder, of om enige sosiale of ekonomiese verandering teweeg te bring, of in protes teen enige staat of regering of enige provinsiale, plaaslike of stamowerheid of om vrees onder die publiek of enige gedeelte van die publiek te laat posvat;
6. enige poging om enige daad, waarna in klousule 4 of 5 hierbo verwys is, uit te voer; en
7. die daad van enige wettige ingestelde owerheid om enige voorval, soos in klousule 1 tot 6 soos hierbo beskryf, te beheer, te verhoed, te onderdruk of om dit op enige manier te hanteer.

## Slytasie en onklaarraking – dit sluit in:

1. enige oorsaak wat nie skielik en onvoorsien was nie;
2. geleidelike agteruitgang, insluitend stygende klamheid, slytasie, brekasie, waardevermindering, roes, skimmel, agteruitgang, of verbleiking;
3. enige skade of agteruitgang wat deur motte of ongediertes veroorsaak word;
4. 'n styging in die ondergrondse watertafel of drukking wat daardeur veroorsaak word;
5. foutiewe smering of gebrek aan olie of verkoeler;
6. meganiese, elektriese of elektroniese onklaarraking, defek of mislukking;
7. skade aan verbruikbare parte of parte met 'n beperkte lewensverwagting;
8. skade verhaalbaar ten opsigte van enige onderhoud of huurooreenkoms;
9. skade of verlies weens diens, onderhoud, skoonmaak, herstel, restourasie, kleur, bleiking, of verandering;
10. rekenaarvirusse en soortgelyke vernietigende media;
11. foutiewe ontwerp of swak werkmansskap;
12. skade wat oor 'n tydperk plaasgevind het en wat nie as 'n enkele insident bestempel kan word nie.

## Doelbewuste optrede

Ons sal jou nie vir enige eis vergoed waarin jy of 'n lid van jou huishouding, of enigiemand wat namens jou optree, opsetlike verlies, skade of besering veroorsaak het nie.

## Inflasie, oneerlikheid of bedrog

Indien jy, of enigiemand wat namens jou 'n eis instel of inligting of dokumentasie aangaande 'n eis verskaf, in enige opsig bedrieglik of oneerlik is of oordryf, sal ons die hele eis afkeur en jou polis kanselleer, terugwerkend óf vanaf die datum waarop die eis ingedien is óf vanaf die eintlike insidentdatum, watter een ook al eerste was. Ons behou die reg voor om verdere aksie te neem, indien nodig.

## Voorvalle waarvan die skade deur die wet verseker word

Enige voorval waarvoor 'n fonds gestig is kragtens die Wet op Oorlogskadeversekering en Vergoeding Wet 1976 (Nr 85 van 1976), soos gewysig, van die Republiek van Suid-Afrika, of enige soortgelyke wet wat geld in enige van die plekke waar jou polis van toepassing is.

## Kernwapenmateriaal

Kernwapenmateriaal, ionisasie-bestraling of besmetting deur radio-aktiwiteit van enige kernbrandstof, kernafvalstowwe, of van die ontsteking van kernbrandstof, insluitend enige selfonderhoudende proses van kernsplitsing.

## Nasionalisering

Nasionalisering, konfiskering, kommandering of rekwisisie deur enige wettige konstituerende owerheid.

## Elektrisiteitsnetwerk Mislukking

Enige verlies, skade, dood, besering, koste of uitgawe van enige aard – insluitend enige gevolglike verliese ingevolge enige bepaling van hierdie polis – wat direk of indirek veroorsaak word deur, bydra tot, resultaat is van, ontstaan uit, of verband hou met enige onderbreking of mislukking van die netwerk, ongeag die oorsaak, word nie onder hierdie versekeringspolis gedek nie. Dit geld ongeag enige klousule in die polis wat die teenoorgestelde of enige steun daarvoor bepaal.

## Staking van enige werk

Staking of vertraging van enige werk, proses of bedryf.

## Kontraktuele aanspreeklikheid

Enige verlies as gevolg van enige kontraktuele aanspreeklikheid.

## Gevolglike verliese

Gevolglike verlies of skade, behalwe waar ons spesifiek vir skade of verlies van hierdie tipe verseker.

## Verkoop van jou goedere

Indien jy enige van jou versekerde besittings verkoop, moet jy bevestiging van geldige en wettige betaling van jou bank kry voordat jy dié eiendom aan die ander persoon oorhandig.

## Onwettige aktiwiteite

Enige verlies of skade wat voortspruit uit die gebruik van die versekerde besittings vir, of in verband met, enige onwettige aktiwiteit en/of die pleeg van enige misdaad.

Sou ons sê jou eis is nie verseker as gevolg van die uitsonderings hierbo nie, moet jy bewys dat dit nie so is nie.

## Suid-Afrikaanse Spesiale Risiko Versekerings-assosiasie (Sasria)

Sasria verseker jou as enige ongeluk- of doelbewuste skade aan jou eiendom veroorsaak is deur 'n persoon of groep mense wat deelneem aan 'n wanordelikheid, staking, uitsluiting of burgerlike oproer, of wat enigiets doen wat 'n politieke, sosiale of ekonomiese oogmerk of oorsaak het, of wat in protes teen enige staat of regering plaasgevind het. Hierdie versekering is beperk tot gebeure binne die grense van Suid-Afrika. Ons bewaar die Sasria-hoofpolis en jy mag dit aanvra as jy wil. Indien jy SASRIA-dekking uitgeneem het sal die SASRIA polisdokumente afsonderlik verskaf word.

## Bewys

As Sasria jou nie wil vergoed nie, is dit jou plig om te bewys dat jy wel verseker is.

## Klagte-Hanteringsproses

Jy kan ons Interne Klagte-hantering departement op die volgende maniere kontak om jou dispuut oor 'n eis, of enige algemene klagte, in te dien:

E-pos: **dispuutresolusie@virseker.co.za**

Telefoonnommer: **0860 00 72 51**

In ooreenstemming met die Polishouerbeskermingsreëls sal jy, as 'n eerste stap, negentig (90) dae hê om die uitslag van jou eis te betwis deur ons Interne Klagte-hantering departement te kontak. Onmiddellik na hierdie tydperk van negentig (90) dae, het jy 'n verdere ses (6) maande om dagvaarding aan ons te beteken. As jy dit nie binne hierdie tydperk doen nie, sal jou reg om die besluit te betwis, verbeur word.

Ons waarborg dat jou dispuut op 'n doeltreffende wyse hanteer sal word, en deur middel van 'n onpartydige hersieningsproses hersien sal word. Ons moedig jou aan om eers van ons Interne Klagte-hantering departement gebruik te maak in 'n poging om jou dispuut spoedig op te los.

Sodra ons Interne Klagte-hantering departement jou geskil hanteer het, en sou die uitkoms van die dispuut nie in jou guns wees nie, kan jy binne 'n verdere tydperk van ses (6) maande die Nasionale Finansiële Ombud Skema (NFO) kontak ([www.nfosa.co.za](http://www.nfosa.co.za)). Vir enige voldoening-/nie-voldoeningsaangeleenthede wat verband hou met WFAT (Wet op Finansiële Advies- en tussengangerdienste) of die finansiële dienste gelewer, kan u die WFAT Ombudsman ([www.faisombud.co.za](http://www.faisombud.co.za)) kontak.

## Jurisdiksie

Jou polis is onderwerp aan Suid-Afrikaanse reg en die jurisdiksie van 'n Suid-Afrikaanse hof. Ons is nie aanspreeklik vir enige regskostes en uitgawes wat nie in die Republiek van Suid-Afrika aangegaan is nie.

## Motor – omvattend

Hier kan jy eis vir enige ongeluiskade aan jou kar, of as dit gesteel is. Jy mag ook eis as jou kar die oorsaak was van skade aan iemand anders se eiendom.

### Ons sal jou vergoed vir:

#### Die Motor

Jou kar is omvattend verseker. Dit beteken ons sal jou vergoed as die kar beskadig of gesteel word. In die geval dat die kar afgeskryf of gesteel word sal die meeste wat ons vir die kar sal betaal, die waarde wat op jou skedule verskyn, wees.

Indien jou kar gefinansier is, moet ons eers die finansieringsmaatskappy betaal. Indien geen onderdele vir die kar beskikbaar is nie en dit die regmaak daarvan vertraag, sal ons jou nie vergoed vir die ongerief of geld wat jy mag verloor, of enige aanspreeklikheid wat jy as gevolg van die vertraging mag beleef nie.

Dit bly ons alleenlike besluit om óf 'n kar te herstel óf af te skryf. Wanneer 'n kar afgeskryf word en ons jou vir jou verlies vergoed, mag ons enige uitstaande boetes en nodige kostes, fooie en pre-kondisionele uitgawes vanaf die skikkingswaarde aftrek, sodat ons die regmatige eienaar van die kar kan word.

#### Insleep- en stoorkoste

Insleep vanaf die toneel van 'n ongeluk en daaropvolgende berging daarvan is gedek. Ons sal die redelike koste betaal om die kar te berg of na die naaste hersteller te sleep. Jy sal verantwoordelik wees vir die sleep- en bergingskoste van jou kar as jy nie die Virseker-Wegsleepdiens bel en/of nie een van ons goedgekeurde wrakwadienste gebruik nie.

#### Repatriasie

Indien die motor, buite die grense van Suid-Afrika deur enige gevaar wat deur die polis gedek is, beskadig word, sal die redelike koste om die motor te herwin en na die naaste Suid-Afrikaanse grens te neem, gedek wees. Die maksimum vergoeding vir repatriasie van 'n versekerde motor is die koste wat aangegaan is, maar sal nie meer as die maksimum bedrag van R7 500 wees nie.

#### Die motor se sleutels

Vervanging van die motor se sleutels, slotte en afstandbeheertoestelle, en herprogrammering van die motor se teendiefstalsisteme is gedek. Die dekking is onbeperk en jou basiese bybetaling op jou polis sal van toepassing wees.

#### Die klankstelsel

Die kar se klankstelsel is verseker, maar net as jou skedule toon dat jy 'n premie daarvoor betaal.

#### Haelskade

Haelskade is verseker, maar net as jou skedule toon dat jy 'n premie daarvoor betaal.

#### Die kappie

'n Bakkie se kap is verseker, maar net as jou skedule toon dat jy 'n premie daarvoor betaal.

## Motorhuur

Motorhuur is opsioneel en sal jou dek indien jy 'n geldige eis het en jou polis skedule aandui dat jy 'n premie daarvoor betaal.

Motorhuur sal beskikbaar wees indien jou motor beskadig is en herstel word, beskadig en nie rybaar is nie, en/of indien jou voertuig gesteel of gekaap is. Ons sal vir 'n gehuurde motor, tot die maksimum tydperk, of tot jou eis gefinaliseer is, deur een van ons voorkeurverskaffers betaal, afhangend van die tipe motorhuur wat jy gekies het en soos op jou skedule aangedui.

Jy sal verantwoordelik vir die betaling van die brandstofkoste, afhaal- en afleweringsooreenkomste wees terwyl jy die gehuurde motor gebruik, sowel as die bybetaling in die geval van 'n eis ten opsigte van die gehuurde motor.

## Ander partye

- Indien die gereelde bestuurder volgens die wet verantwoordelik was vir die ongeluk wat 'n ander party se eiendom beskadig het, sal ons die ander party namens jou vir skade, onkoste en uitgawes vergoed. Die ongeluk moes veroorsaak gewees het deur, of verband gehou het met:
  - die kar op die polis;
  - 'n kar, bromperd (bromponie en/of motorfiets), sleepwa of karavaan wat deur die kar op die polis gesleep is; of
  - 'n kar wat nie op die polis is nie, maar wat die gereelde bestuurder persoonlik bestuur het, solank hy/sy dit nie besit en dit nie onderworpe is aan 'n huur- of finansieringsooreenkoms nie.Ons aanvaar geen verantwoordelikheid vir die kar wat hy/sy bestuur het nie.
- Ons sal ook die ander party (dit sluit die mense in die versekerde kar uit) vir skade, onkoste en uitgawes vergoed. Dié moes veroorsaak gewees het deur enige een wat die kar op die polis met die gereelde bestuurder se toestemming bestuur of gebruik het, op voorwaarde dat die persoon onderworpe sal wees aan die bepalinge en voorwaardes van die polis. Daardie persoon mag ook nie 'n eis teen 'n ander polis hê nie.

Die maksimum bedrae wat ons onder hierdie sub-afdeling sal betaal word op jou skedule getoon. Hierdie perke geld per voorval.

## Ons vergoed jou nie vir:

## Geen lisensie, dronkbestuur, 'n geëndosseerde lisensie of ongeldige lisensie

Indien hierdie versekerde kar, of enige ander kar, deur die gereelde bestuurder bestuur word, of as hierdie kar deur enige persoon bestuur word wat die algemene toestemming van die gereelde bestuurder het om die kar te bestuur, en die bestuurder:

- onder die invloed van alkohol of dwelms bestuur, of terwyl die persentasie alkohol in die bestuurder se bloed die wettige limiet oorskry of indien hy/sy nie 'n asemtoets slaag nie; of
- nie gelisensieerd is om te bestuur nie of 'n bestuurslisensie het wat geëndosseer is, hetsy dit op 'n bestuurslisensie is of by die owerhede vertoon word vir nalatige, roekelose of dronkbestuur, of vir bestuur terwyl die persentasie alkohol in die bestuurder se bloed die wettige limiet oorskry.

## Onpadwaardige motor

As die kar, of karavaan of sleepwa wat deur die kar gesleep word, in 'n ongeluk is en onpadwaardig is, soos bepaal in die wetgewing vir padwaardigheid, of indien die wet of verkeersreëls sleep verbied.

## Ongemagtigde gebruik van motor

Indien iemand die kar gebruik sonder jou medewete of toestemming en jy nie binne 48 uur 'n kriminele klag teen die oortreder by die polisie ingedien het nie. Jy mag ook nie die klag terugtrek nie.

## Motorsleutels in of op die motor gelos

Verlies van of skade aan jou versekerde motor indien jy, of enige iemand wat jy toelaat om jou versekerde motor te bestuur, of enige iemand wat namens jou optree, die motor se sleutels en/of die aansittersleutels van jou motor in of op die motor los.

## Verlating van die toneel na 'n ongeluk

Indien die motor in 'n ongeluk betrokke is en die persoon wat die motor bestuur het, die toneel van die ongeluk onwettig verlaat.

## Motor gebruik om 'n inkomste te verdien

Indien die kar gebruik word om betalende passasiers rond te rits, vir verhuur of vir bestuurslesse.

## Motor vir motorsport gebruik

Indien die kar in enige soort resies, kompetisie, tydren of op 'n renbaan gebruik word.

## 'n Motor wat gebruik word om vragte of aantal mense, wat die geregistreerde kapasiteit daarvan oorskry, te vervoer

Indien die motor gebruik word om enige vragte of aantal mense, wat die geregistreerde kapasiteit oorskry, te vervoer.

## Motor in die motorbedryf gebruik

Indien die kar in die motorbedryf gebruik word, tensy dit gediens of reggemaak word.

## Motor in die buiteland gebruik

As die kar buite Suid-Afrika, Botswana, Lesotho, Malawi, Mosambiek, Namibië, Swaziland en Zimbabwe gebruik word. Ons sal niemand anders namens jou vergoed as die kar buite Suid-Afrika gebruik word nie.

## Dood of besering van 'n lid van jou huishouding of 'n werknemer weens 'n ongeluk

As 'n lid van jou huishouding sterf of beseer is in 'n ongeluk, of as iemand wat vir jou werk sterf of beseer word terwyl hy/sy besig is om te werk.

## Eiendom in jou besit en dié van die lede van jou huishouding

As die eiendom in jou besit jou eie is, of die eiendom van die lede van jou huishouding, of ander eiendom wat jy en die lede van jou huishouding by hulle het ten tye van die ongeluk.

## Versekering onder die Padongelukfonds

Vir enigiets wat onder die Padongelukfonds betaal sal word.

# Motor – derdeparty, brand en diefstal

Hier kan jy eis vir sekere gespesifiseerde skade aan jou kar, of as dit gesteel is. Jy mag ook vir skade wat jou motor aan iemand anders se eiendom berokken het, eis. Ongelukkig mag jy nie vir jou eie ongeluiskade eis nie.

### Ons sal jou vergoed vir:

#### Die motor

Die kar is verseker vir derdeparty, brand en diefstal. Dit beteken ons sal jou vergoed as die kar skade kry as 'n direkte gevolg van brand, ontploffing, weerlig, of as iemand dit probeer steel, of daarin slaag.

Die meeste wat ons vir die kar sal betaal, is die waarde wat op jou skedule verskyn. As die kar gefinansier is, moet ons eers die finansieringsmaatskappy betaal. Indien geen onderdele vir die kar beskikbaar is nie en dit die regmaak daarvan vertraag, sal ons jou nie vergoed vir die ongerief of geld wat jy mag verloor of enige aanspreeklikheid wat jy as gevolg van die vertraging mag beleef nie.

Dit bly ons alleenlike besluit om óf 'n motor te herstel óf af te skryf. Wanneer 'n motor afgeskryf word en ons jou vir jou verlies vergoed, mag ons enige uitstaande boetes en nodige kostes, fooie en pre-kondisionele uitgawes vanaf die skikkingswaarde aftrek, sodat ons die regmatige eienaar van die motor kan word.

#### Insleep- en stoorkoste

Insleep vanaf die toneel van 'n ongeluk en daaropvolgende berging daarvan is gedek. Ons sal die redelike koste om die kar te berg of na die naaste hersteller te sleep, betaal, mits dit deur enigiets wat deur die polis verseker word, beskadig is. Jy sal self verantwoordelik wees vir die sleep- en bergingskoste van jou kar as jy nie die Virseker- Wegsleepdiens bel en/of een van ons wrakwadienste gebruik nie.

## Die klankstelsel

Die kar se klankstelsel is verseker, maar net as jou skedule toon dat jy 'n premie daarvoor betaal.

## Die voorvenster

Die kar se voorvenster is verseker, maar net as jou skedule toon dat jy 'n premie daarvoor betaal.

## Die kappie

'n Bakkie se kappie is verseker, maar net as jou skedule toon dat jy 'n premie daarvoor betaal.

## Motorhuur

Motorhuur is opsioneel en sal jou dek indien jy 'n geldige eis het en jou polis skedule aandui dat jy 'n premie daarvoor betaal.

Motorhuur sal beskikbaar wees indien jou motor beskadig is en herstel word, beskadig en nie rybaar is nie, en/of indien jou voertuig gesteel of gekaap is. Ons sal vir 'n gehuurde motor, tot die maksimum tydperk, of tot jou eis gefinaliseer is, deur een van ons voorkeurverskaffers betaal, afhangend van die tipe motorhuur wat jy gekies het en soos op jou skedule aangedui.

Jy sal verantwoordelik vir die betaling van die brandstofkoste, afhaal- en afleweringsooreenkomste wees terwyl jy die gehuurde motor gebruik, sowel as die bybetaling in die geval van 'n eis ten opsigte van die gehuurde motor.

## Ander partye

1. Indien die gereelde bestuurder volgens die wet verantwoordelik was vir die ongeluk wat 'n ander party se eiendom beskadig het, sal ons die ander party namens jou vir skade, onkoste en uitgawes vergoed. Die ongeluk moes veroorsaak gewees het deur, of verband gehou het met:
  - a die kar op die polis;
  - b 'n kar, bromperd (bromponie en/of motorfiets), sleepwa of karavaan wat deur die kar op jou polis gesleep is; of
  - c 'n kar wat nie op die polis is nie, maar wat die gereelde bestuurder persoonlik bestuur het, solank hy/sy dit nie besit en dit nie onderworpe is aan 'n huur- of finansieringsooreenkoms nie.

Ons aanvaar geen verantwoordelikheid vir die kar wat hy/sy bestuur het nie.

2. Ons sal ook die ander party (dit sluit die mense in die versekerde kar uit) vir skade, onkoste en uitgawes vergoed. Dié moes veroorsaak gewees het deur enige een wat die kar op jou polis met die gereelde bestuurder se toestemming bestuur het, op voorwaarde dat die persoon onderworpe sal wees aan die bepalings en voorwaardes van jou polis. Daardie persoon mag ook nie 'n eis teen 'n ander polis hê nie.

Die maksimum bedrae wat ons onder hierdie sub-afdeling sal betaal word op jou skedule getoon. Hierdie perke geld per voorval.

## Ons vergoed jou nie vir:

### Geen lisensie, dronkbestuur, 'n geëndosseerde lisensie of ongeldige lisensie

Indien hierdie kar of enige ander kar deur die gereelde bestuurder bestuur word, of as hierdie kar deur enige persoon bestuur word wat die algemene toestemming van die gereelde bestuurder het om die kar te bestuur, en die bestuurder:

1. onder die invloed van alkohol of dwelms bestuur, of terwyl die persentasie alkohol in die bestuurder se bloed die wettige limiet oorskry of indien hy/sy nie 'n asemtoets slaag nie; of
2. nie gelisensieerd is om te bestuur nie of 'n bestuurslisensie het wat geëndosseer is, hetsy dit op die bestuurslisensie of by die owerhede vertoon word vir nalatige, roekelose of dronkbestuur, of vir bestuur terwyl die persentasie alkohol in die bestuurder se bloed die wettige limiet oorskry.

## Onpadwaardige motor

As die kar, of karavaan of sleepwa wat deur die kar gesleep word, in 'n ongeluk is en onpadwaardig is soos bepaal in die wetgewing vir padwaardigheid, of indien die wet of verkeersreëls sleep verbied.

## Ongemagtigde gebruik van motor

Indien iemand die kar gebruik sonder jou medewete of toestemming en jy nie binne 48 uur 'n kriminele klag teen die oortreder by die polisie ingedien het nie. Jy mag ook nie die klag terugtrek nie.

## **Motorsleutels in of op die motor gelos**

Verlies van of skade aan jou versekerde motor indien jy, of enige iemand wat jy toelaat om jou versekerde motor te bestuur, of enige iemand wat namens jou optree, die motor se sleutels en/of die aansittersleutels van jou motor in of op die motor los.

## **Verlating van die toneel na 'n ongeluk**

Indien die motor in 'n ongeluk betrokke is en die persoon wat die motor bestuur het, die toneel van die ongeluk onwettig verlaat.

## **Motor gebruik om 'n inkomste te verdien**

Indien die kar gebruik word om betalende passasiers rond te rits, vir verhuring of vir bestuurslesse.

## **Motor vir motorsport gebruik**

Indien die kar in enige soort resies, kompetisie, tydren of op 'n renbaan gebruik word.

## **'n Motor wat gebruik word om vragte of aantal mense, wat die geregistreerde kapasiteit daarvan oorskry, te vervoer**

Indien die motor gebruik word om enige vragte of aantal mense, wat die geregistreerde kapasiteit oorskry, te vervoer.

## **Motor in die motorbedryf gebruik**

Indien die kar in die motorbedryf gebruik word, tensy dit gediens of reggemaak word.

## **Motor in die buiteland gebruik**

As die kar buite Suid-Afrika, Botswana, Lesotho, Malawi, Mosambiek, Namibië, Swaziland en Zimbabwe gebruik word. Ons sal niemand anders namens jou vergoed as die kar buite Suid-Afrika gebruik word nie.

## **Dood of besering van 'n lid van jou huishouding of 'n werknemer weens 'n ongeluk**

Indien 'n lid van jou huishouding sterf of beseer word in 'n ongeluk, of as 'n persoon wat vir jou werk sterf of beseer word terwyl hy/sy besig is om te werk.

## **Eiendom in jou besit en dié van die lede van jou huishouding**

As die eiendom in jou besit jou eie is, of die eiendom van die lede van jou huishouding, of ander eiendom wat jy en die lede van jou huishouding by hulle het ten tye van die ongeluk.

## **Versekering onder die Padongelukfonds**

Vir enigiets wat onder die Padongelukfonds betaal sal word.

## **Motor – slegs derdeparty**

Hier kan jy net eis vir die skade wat jou kar aan iemand anders se eiendom berokken het.

### **Ons sal jou vergoed vir:**

#### **Ander partye se eiendom**

Die kar is net vir derdepartyskade verseker. Ons sal jou alleenlik vergoed vir die skade wat jy aan iemand anders se eiendom berokken het. Ons sal jou dus nie vergoed vir skade aan jou kar, of as dit gesteel word nie.

#### **Die klankstelsel**

Die kar se klankstelsel is verseker, maar net as jou skedule toon dat jy 'n premie daarvoor betaal.

## Ander partye

1. Indien die gereelde bestuurder volgens die wet verantwoordelik was vir 'n ongeluk wat 'n ander party se eiendom beskadig het, sal ons die party namens jou vir skade, onkoste en uitgawes vergoed. Die ongeluk moes veroorsaak gewees het deur, of verband gehou het met:
  - a die kar op die polis;
  - b 'n kar, bromperd (bromponie en/of motorfiets), sleepwa of karavaan wat deur die kar op die polis gesleep is; of
  - c 'n kar wat nie op die polis is nie, maar wat die gereelde bestuurder persoonlik bestuur het, solank hy/sy dit nie besit en dit nie onderworpe is aan 'n huur- of finansieringsooreenkoms nie.Ons aanvaar geen verantwoordelikheid vir die kar wat hy/sy bestuur het nie.
2. Ons sal ook die ander party (dit sluit die mense in die versekerde kar uit) vir skade, onkoste en uitgawes vergoed. Díé moes veroorsaak gewees het deur enige een wat die kar op die polis met die gereelde bestuurder se toestemming bestuur het, op voorwaarde dat die persoon onderworpe sal wees aan die bepalings en voorwaardes van die polis. Daardie persoon mag ook nie 'n eis teen 'n ander polis hê nie.

Die maksimum bedrae wat ons onder hierdie sub-afdeling sal betaal word op jou skedule getoon.

## Ons vergoed jou nie vir:

### Geen lisensie, dronkbestuur, 'n geëndosseerde lisensie of ongeldige lisensie

Indien hierdie kar of enige ander kar deur die gereelde bestuurder bestuur word, of as hierdie kar deur enige persoon bestuur word wat die algemene toestemming van die gereelde bestuurder het om die kar te bestuur, en die bestuurder:

1. onder die invloed van alkohol of dwelms bestuur, of terwyl die persentasie alkohol in die bestuurder se bloed die wettige limiet oorskry of indien hy/sy nie 'n asemtoets slaag nie; of
2. nie gelisensieerd is om te bestuur nie of 'n bestuurslisensie het wat geëndosseer is, hetsy dit op die bestuurslisensie of by die owerhede vertoon word vir nalatige, roekelose of dronkbestuur, of vir bestuur terwyl die persentasie alkohol in die bestuurder se bloed die wettige limiet oorskry.

### Onpadwaardige motor

As die kar, of die karavaan of sleepwa wat deur die kar gesleep word, in 'n ongeluk is en onpadwaardig is, soos bepaal in die wetgewing vir padwaardigheid, of indien die wet of verkeersreëls sleep verbied

### Ongemagtigde gebruik van motor

Indien iemand die kar gebruik sonder jou medewete of toestemming en jy nie binne 48 uur 'n kriminele klag teen die oortreder by die polisie ingedien het nie. Jy mag ook nie die klag terugtrek nie.

### Verlating van die toneel na 'n ongeluk

Indien die motor in 'n ongeluk betrokke is en die persoon wat die motor bestuur het, die toneel van die ongeluk onwettig verlaat.

### Motor gebruik om 'n inkomste te verdien

Indien die kar gebruik word om betalende passasiers rond te rits, vir verhuring of vir bestuurslesse.

### Motor vir motorsport gebruik

Indien die kar in enige soort resies, kompetisie, tydren of op 'n renbaan gebruik word.

### 'n Motor wat gebruik word om vragte of aantal mense, wat die geregistreerde kapasiteit daarvan oorskry, te vervoer

Indien die motor gebruik word om enige vragte of aantal mense, wat die geregistreerde kapasiteit oorskry, te vervoer.

### Motor in die motorbedryf gebruik

Indien die kar in die motorbedryf gebruik word, tensy dit gediens of reggemaak word.

## Motor in die buiteland gebruik

As die kar buite Suid-Afrika, Botswana, Lesotho, Malawi, Mosambiek, Namibië, Swaziland en Zimbabwe gebruik word. Ons sal niemand anders namens jou vergoed as die kar buite Suid-Afrika gebruik word nie.

## Dood of beseering van 'n lid van jou huishouding of 'n werknemer weens 'n ongeluk

As 'n lid van jou huishouding sterf of beseer is in 'n ongeluk, of iemand wat vir jou werk sterf of beseer word terwyl hy/sy besig is om te werk.

## Eiendom in jou besit en dié van die lede van jou huishouding

As die eiendom in jou besit jou eie is, of die eiendom van die lede van jou huishouding, of ander eiendom wat jy en die lede van jou huishouding by hulle het ten tye van die ongeluk.

## Versekering onder die Padongelukfonds

Versekering onder die Padongelukfonds.

# Motor – nie-omvattend – Virseker Kompak

Onder die afdeling afhangend van die Virseker Kompak opsie wat jy gekies het, kan jy eis vir sekere skade aan jou kar, of in die geval dat dit gesteel word. Jy mag ook eis as jou kar die oorsaak was van skade aan iemand anders se eiendom. 'n Basiese bybetaling is op alle tipe Virseker Kompak opsies van toepassing.

Die nie-omvattende versekering bestaan uit vasgestelde opsies en dekking kan nie aangepas word nie. Die enigste opkoop opsies wat beskikbaar is, is Sasria, Gatsakbonus, Kap versekering en Klanksisteem dekking.

As jou kar gefinansier is, moet ons eers die finansieringsmaatskappy betaal. Indien geen onderdele vir die kar beskikbaar is nie en dit die regmaak daarvan vertraag, sal ons jou nie vergoed vir die ongerief of geld wat jy mag verloor, of enige aanspreeklikheid wat jy as gevolg van die vertraging mag beleef, nie.

Dit bly ons alleenlike besluit om 'n kar te herstel óf af te skryf. Wanneer 'n kar afgeskryf word en ons jou vir jou verlies vergoed, mag ons enige uitstaande boetes en nodige kostes, fooie en pre-kondisionele uitgawes vanaf die skikkingswaarde aftrek, sodat ons die regmatige eienaar van die kar kan word.

## Virseker Kompak 1

### Ons sal jou vergoed vir:

#### Die motor

Die kar is vir derde party en diefstal verseker. Die klankstelsel in jou kar en die kap van die kar is ook verseker, maar slegs as jy dit op jou polis gespesifiseer het. Ons sal jou vergoed as jou kar, as 'n direkte resultaat van 'n poging tot diefstal, of diefstal daarvan, beskadig word. Indien daar 'n uitbetaling aan jou gemaak moet word vir die voertuig, betaal ons net tot en met die bedrag wat op jou polis verskyn uit.

#### Uitsluitings

Die volgende dekking word nie in jou polis ingesluit nie:

- Ongelukskade, tensy dit met diefstal of poging tot diefstal verband hou.
- Ongelukbystand (Sleeping en Berging).
- Haelskade.
- Motoruur.
- Windskermdkking.

# Virseker Kompak 2

## Ons sal jou vergoed vir:

### Die motor

Die kar is vir derde party, totale verlies, haelskade en Ongelukbystand verseker. Die klankstelsel in jou kar en die kap van die kar is ook verseker, maar slegs as jy dit op jou polis gespesifiseer het. Ons sal jou vergoed as jou kar, as 'n direkte resultaat van 'n poging tot diefstal, of diefstal daarvan, beskadig word. Ons sal jou ook vergoed as die kar as gevolg van 'n ongeluk of brand afgeskryf is of weens hael beskadig is. Indien daar 'n uitbetaling aan jou gemaak moet word vir die voertuig betaal ons net tot en met die bedrag wat op jou polis verskyn uit.

### Ongelukbystand

Insleep vanaf die toneel van 'n ongeluk en daaropvolgende berging daarvan is gedek deur jou polis. Jy sal persoonlik vir die insleep en bergingskoste van jou kar verantwoordelik wees as jy nie die insleepnommer skakel en/of nie van die goedgekeurde insleepdiensoperateur wat ons aangestel het, gebruik maak nie.

### Uitsluitings

Die volgende dekking word vanaf u polis uitgesluit:

- Ongelukskade (behalwe vir die skade wat deur Totale Verlies gedek word).
- Motorhuur.
- Windskermdkking.

# Virseker Kompak 3

## Ons sal jou vergoed vir:

### Die motor

Die motor is vir derde party, totale verlies, haelskade, beperkte ongeluksdekking en ongelukbystand verseker. Die klankstelsel in jou kar en die kap van die kar is ook verseker, maar slegs as jy dit op jou polis gespesifiseer het. Ons sal jou vergoed as jou kar, as 'n direkte resultaat van 'n poging tot diefstal, of diefstal daarvan, beskadig word. Ons sal jou ook vergoed as die kar as gevolg van 'n ongeluk of brand afgeskryf is of weens hael beskadig is. Jy sal ook beperkte ongeluksdekking vir jou eie kar hê, tot en met die bedrag wat op jou skedule verskyn. Indien daar 'n uitbetaling aan jou gemaak moet word vir die voertuig, betaal ons net tot en met die bedrag wat op jou polis verskyn uit.

### Ongelukbystand

Ons sal die redelike koste om die kar te berg of na die naaste hersteller te sleep betaal. Jy sal persoonlik vir die insleep en bergingskoste van jou kar verantwoordelik wees as jy nie die insleepnommer skakel en/of nie van die goedgekeurde insleepdiensoperateur wat ons aangestel het, gebruik maak nie.

### Uitsluitings

Die volgende versekering word vanaf jou polis uitgesluit:

- Volle Ongeluksdekking (behalwe vir die skade wat deur Beperkte Ongeluksdekking en Totale Verlies gedek word).
- Motorhuur.
- Windskermdkking.

## Die volgende afdeling is op alle Virseker Kompak-dekkingsopsies van toepassing

### Ons sal jou vergoed vir:

#### Derde party eise:

1. Indien die gereelde bestuurder volgens die wet verantwoordelik was vir 'n ongeluk wat 'n ander party se eiendom beskadig het, sal ons die ander party namens jou vir skade, onkoste en uitgawes vergoed. Die ongeluk moes veroorsaak gewees het deur, of verband gehou het met:

- a die kar op jou polis; of
- b 'n kar, bromperde (bromponie en/of motorfiets), sleepwa of karavaan wat deur die kar op jou polis gesleep is; of
- c 'n kar wat nie op die polis is nie, maar wat die gereelde bestuurder persoonlik bestuur het, solank hy/sy dit nie besit en dit nie onderworpe is aan 'n huur- of finansieringsooreenkoms nie.

Ons aanvaar geen verantwoordelikheid vir die kar wat hy/sy bestuur het nie.

2. Ons sal ook die ander party (dit sluit die mense in die versekerde kar uit) vir skade, onkoste en uitgawes vergoed. Dié moes veroorsaak gewees het deur enige persoon wat die kar op die polis met die gereelde bestuurder se toestemming bestuur het, op voorwaarde dat die persoon onderworpe sal wees aan die bepalings en voorwaardes van die polis. Daardie persoon mag ook nie 'n eis teen 'n ander polis hê of in sit nie.

Die maksimum bedrae wat ons onder hierdie sub-afdeling sal betaal, word op jou skedule getoon. Hierdie perke geld per voorval.

### Ons vergoed jou nie vir:

#### Geen lisensie, dronkbestuur, 'n geëndosseerde lisensie of ongeldige lisensie nie

Indien hierdie kar of enige ander kar wat deur die gereelde bestuurder bestuur word, of as hierdie kar deur enige persoon bestuur word wat die algemene toestemming van die gereelde bestuurder het om die kar te bestuur, en die bestuurder:

1. onder die invloed van alkohol of dwelms bestuur, of terwyl die persentasie alkohol in die bestuurder se bloed die wettige limiet oorskry of indien hy/sy nie 'n asemtoets slaag nie; of
2. nie gelisensieerd is om te bestuur nie of 'n bestuurslisensie het wat geëndosseer is, hetsy dit op 'n bestuurslisensie of by die owerhede vertoon word vir nalatige, roekelose of dronkbestuur, of vir bestuur terwyl die persentasie alkohol in die bestuurder se bloed die wettige limiet oorskry.

#### 'n Onpadwaardige motor

As die kar, of die karavaan of sleepwa wat deur die kar gesleep word, in 'n ongeluk is en onpadwaardig is, soos bepaal in die wetgewing vir padwaardigheid, of indien die wet op verkeersreëls sleep verbied sal jou polis nie uitbetaal nie.

#### Ongemagtigde gebruik van motor

Indien iemand die kar sonder jou medewete of toestemming gebruik en jy nie binne 48 uur 'n kriminele klag teen die oortreder by die polisie ingedien het nie. Jy mag ook nie die klag terugtrek nie.

#### Motorsleutels in of op die motor gelos

Verlies van of skade aan jou versekerde motor indien jy, of enige iemand wat jy toelaat om jou versekerde motor te bestuur, of enige iemand wat namens jou optree, die motor se sleutels en/of die aansittersleutels van jou motor in of op die motor los nie.

#### Verlating van die toneel na 'n ongeluk

Indien die motor in 'n ongeluk betrokke is en die persoon wat die motor bestuur het, die toneel van die ongeluk onwettig verlaat.

#### Motor gebruik om 'n inkomste te genereer of vir motorsport

Indien die kar gebruik word om betalende passasiers rond te ry, vir verhuuring, bestuursinstruksie, resies, tydren of kompetisies.

## 'n Motor wat gebruik word om vragte of aantal mense, wat die geregistreerde kapasiteit daarvan oorskry, te vervoer

Indien die kar in enige soort resies, kompetisie, tydens of op 'n renbaan gebruik word.

## 'n Motor wat gebruik word om vragte of aantal mense, wat die geregistreerde kapasiteit daarvan oorskry, te vervoer

Indien die motor gebruik word om enige vragte of aantal mense, wat die geregistreerde kapasiteit oorskry, te vervoer.

## Motor in die motorbedryf gebruik word

Indien die kar in die motorbedryf gebruik word, tensy dit gediens of reggemaak word.

## Motor in die buiteland gebruik

As die kar buite Suid-Afrika, Botswana, Lesotho, Malawi, Mosambiek, Namibië, Swaziland en Zimbabwe gebruik word. Ons sal niemand anders namens jou vergoed as die kar buite Suid-Afrika gebruik word nie.

## Dood of besering van 'n lid van jou huishouding of 'n werknemer weens 'n ongeluk

As 'n lid van jou huishouding sterf of beseer is in 'n ongeluk, of as iemand wat vir jou werk sterf of beseer word terwyl hy/sy besig is om te werk.

## Eiendom in jou besit en dié van die lede van jou huishouding

As die eiendom in jou besit jou eie is, of die eiendom van die lede van jou huishouding, of ander eiendom wat jy en die lede van jou huishouding by hulle het ten tye van die ongeluk.

## Versekering onder die Padongelukfonds

Vir enigiets wat onder die Padongelukfonds betaal sal word.

# Veldbakkie – omvattend

Hier kan jy eis vir enige skade aan jou veldbakkie, of as dit gesteel is. Jy mag ook eis vir skade wat jy aan iemand anders se eiendom berokken het.

### Ons sal jou vergoed vir:

#### Die motor

Die veldbakkie is omvattend verseker. Ons sal jou vergoed as die veldbakkie beskadig of gesteel word. In die geval dat die veldbakkie afgeskryf of gesteel word sal die hoogste bedrag wat ons vir die veldbakkie sal betaal, die waarde wat op jou skedule verskyn, wees. Indien die veldbakkie gefinansier is moet ons eers die finansieringsmaatskappy betaal.

Indien geen onderdele vir die veldbakkie beskikbaar is nie en dit die regmaak daarvan vertraag, sal ons jou nie vergoed vir die ongerief of geld wat jy mag verloor, of enige aanspreeklikheid wat jy as gevolg van die vertraging mag beleef nie.

Dit bly ons alleenlike besluit om óf 'n veldbakkie te herstel óf af te skryf. Wanneer 'n veldbakkie afgeskryf word en ons jou vir jou verlies vergoed, mag ons enige uitstaande boetes en nodige kostes, fooie en pre-kondisionele uitgawes vanaf die skikkingswaarde aftrek, sodat ons die regmatige eienaar van die veldbakkie kan word.

#### Insleep- en stoorkoste

Insleep vanaf die toneel van 'n ongeluk en daaropvolgende stoor daarvan is gedek. Ons sal die redelike koste om die veldbakkie te stoor of na die naaste hersteller te sleep betaal. Jy sal self verantwoordelik wees vir die sleep- en stoorkoste van jou veldbakkie indien jy nie die Virseker-Wegsleepdiens bel en/of een van ons wrakwadienste gebruik nie.

## Repatriasie

Indien die motor, buite die grense van Suid-Afrika deur enige gevaar wat deur die polis gedek is, beskadig word, sal die redelike koste om die motor te herwin en na die naaste Suid-Afrikaanse grens te neem, gedek wees. Die maksimum vergoeding vir repatriasie van 'n versekerde motor is die koste wat aangegaan is, maar sal nie meer as die maksimum bedrag van R7 500 wees nie.

## Die motor se sleutels

Vervanging van die motor se sleutels, slotte en afstandbeheertoestelle, en herprogrammering van die motor se teendiefstalsisteme is gedek. Die dekking is onbeperk en jou basiese bybetaling op jou polis sal van toepassing wees.

## Die klankstelsel

Die veldbakkie se klankstelsel is verseker, maar net as jou skedule toon dat jy 'n premie daarvoor betaal.

## Die kersie op die Koek

Die bykomstighede vir die veldbakkie, uitsluitend die klankstelsel, is tot 'n maksimum bedrag van R10 000 verseker, behalwe as jou skedule toon dat jy vir meer versekering betaal. Jy het die opsie om hierdie dekking te verhoog teen 'n addisionele premie.

## Die motor se spaarwiel

Die veldbakkie se spaarwiel is verseker – as dit gesteel word.

## Haelskade

Haelskade is verseker, maar net as jou skedule toon dat jy 'n premie daarvoor betaal.

## Die kappie

'n Veldbakkie se kap is verseker, maar net as jou skedule toon dat jy 'n premie daarvoor betaal.

## Motorhuur

Motorhuur is opsioneel en sal jou dek indien jy 'n geldige eis het en jou polis skedule aandui dat jy 'n premie daarvoor betaal.

Motorhuur sal beskikbaar wees indien jou motor beskadig is en herstel word, beskadig en nie rybaar is nie, en/of indien jou voertuig gesteel of gekaap is. Ons sal vir 'n gehuurde motor, tot die maksimum tydperk, of tot jou eis gefinaliseer is, deur een van ons voorkeurverskaffers betaal, afhangend van die tipe motorhuur wat jy gekies het en soos op jou skedule aangedui.

Jy sal verantwoordelik vir die betaling van die brandstofkoste, afhaal- en afleweringsooreenkomste wees terwyl jy die gehuurde motor gebruik, sowel as die bybetaling in die geval van 'n eis ten opsigte van die gehuurde motor.

## Ander partye

- Indien die gereelde bestuurder volgens die wet verantwoordelik was vir 'n ongeluk wat iemand anders se eiendom beskadig het, sal ons die ander party namens jou vir skade, onkoste en uitgawes vergoed. Die ongeluk moes veroorsaak gewees het deur, of verband gehou het met:
  - die veldbakkie op die polis;
  - 'n veldbakkie, bromperd (bromponie en/of motorfiets), sleepwa of karavaan wat deur die veldbakkie op die polis gesleep is; of
  - 'n veldbakkie wat nie op die polis is nie, maar wat die gereelde bestuurder persoonlik bestuur het, solank hy/sy dit nie besit en dit nie onderworpe is aan 'n huur- of finansieringsooreenkoms nie.

Ons aanvaar geen verantwoordelikheid vir die veldbakkie wat hy/sy bestuur het nie.

- Ons sal ook die ander party (dit sluit die mense in die versekerde veldbakkie uit) vir skade, onkoste en uitgawes vergoed. Dié moes veroorsaak gewees het deur enige een wat die veldbakkie op die polis met die gereelde bestuurder se toestemming bestuur of gebruik het, op voorwaarde dat die persoon onderworpe sal wees aan die bepalinge en voorwaardes van die polis. Daardie persoon mag ook nie 'n eis teen 'n ander polis hê nie.

Die maksimum bedrae wat ons onder hierdie sub-afdeling sal betaal word op jou skedule getoon. Hierdie perke geld per voorval.

## **Ons vergoed jou nie vir:**

### **Geen lisensie, dronkbestuur, 'n geëndosseerde lisensie of ongeldige lisensie**

Indien hierdie veldbakkie of enige ander veldbakkie deur die gereelde bestuurder bestuur word, of hierdie veldbakkie deur enige persoon bestuur word wat die algemene toestemming van die gereelde bestuurder het om die veldbakkie te bestuur, en die bestuurder:

1. onder die invloed van alkohol of dwelms bestuur, of terwyl die persentasie alkohol in die bestuurder se bloed die wettige limiet oorskry of indien hy/sy nie 'n asemtoets slaag nie; of
2. nie gelisensieerd is om te bestuur nie of 'n bestuurslisensie het wat geëndosseer is, hetsy dit op die bestuurslisensie of by die owerhede vertoon word vir nalatige, roekelose of dronk bestuur, of vir bestuur terwyl die persentasie alkohol in die bestuurder se bloed die wettige limiet oorskry.

### **Onpadwaardige motor**

As die veldbakkie, of die karavaan of sleepwa wat deur die veldbakkie gesleep word, in 'n ongeluk is en onpadwaardig is, soos bepaal in die wetgewing vir padwaardigheid, of indien die wet of verkeersreëls sleep verbied.

### **Ongemagtigde gebruik van motor**

Indien iemand die veldbakkie gebruik sonder jou medewete of toestemming en jy nie binne 48 uur 'n kriminele klag teen die oortreder ingedien het nie. Jy mag ook nie die klag terugtrek nie.

### **Motorsleutels in of op die motor gelos**

Verlies van of skade aan jou versekerde motor indien jy, of enige iemand wat jy toelaat om jou versekerde motor te bestuur, of enige iemand wat namens jou optree, die motor se sleutels en/of die aansittersleutels van jou motor in of op die motor los.

### **Verlating van die toneel na 'n ongeluk**

Indien die veldbakkie in 'n ongeluk betrokke is en die persoon wat die veldbakkie bestuur het die toneel van die ongeluk onwettig verlaat.

### **Motor gebruik om 'n inkomste te verdien**

Indien die kar gebruik word om betalende passasiers rond te rits, vir verhuring of vir bestuurslesse.

### **Motor vir motorsport gebruik**

Indien die veldbakkie in enige soort resies, kompetisie, tydren of op 'n renbaan gebruik word.

### **'n Motor wat gebruik word om vragte of aantal mense, wat die geregistreerde kapasiteit daarvan oorskry, te vervoer**

Indien die veldbakkie gebruik word om enige vragte of aantal mense wat die geregistreerde kapasiteit oorskry, te vervoer.

### **Motor in die motorbedryf gebruik**

Indien die veldbakkie in die motorbedryf gebruik word, tensy dit gediens of reggemaak word.

### **Motor in die buiteland gebruik**

As die veldbakkie buite Suid-Afrika, Kenia, Botswana, Lesotho, Malawi, Mosambiek, Namibië, Swaziland, Tanzanië, Zambië en Zimbabwe gebruik word. Ons sal niemand anders namens jou vergoed indien die veldbakkie buite Suid-Afrika gebruik word nie.

### **Dood of besering van 'n lid van jou huishouding of 'n werknemer weens 'n ongeluk**

As 'n lid van jou huishouding sterf of beseer is in 'n ongeluk, of iemand wat vir jou werk sterf of beseer word terwyl hy/sy besig is om te werk.

## Eiendom in jou besit en dié van die lede van jou huishouding

As die eiendom in jou besit jou eie is, of die eiendom van die lede van jou huishouding, of ander eiendom wat jy en die lede van jou huishouding by hulle het ten tye van die ongeluk.

## Versekering onder die Padongelukfonds

Vir enigiets wat onder die Padongelukfonds betaal sal word.

## Bromperd (bromponie en/of motorfiets)

Hier kan jy eis vir enige ongeluuskade aan jou bromperd (bromponie en/of motorfiets), of as dit gesteel is. Jy mag ook eis vir skade wat jou bromperd aan iemand anders se eiendom berokken het.

### Gebruik van die motorfiets

Jy sal net versekering geniet as jy die bromperd (bromponie en/of motorfiets) uitsluitlik vir sosiale, huishoudelike en plesierdoeleindes, en tussen jou woning en jou permanente werkplek gebruik.

### Ons sal jou vergoed vir:

#### Die motorfiets

Die bromperd (bromponie en/of motorfiets) is omvattend verseker. Ons sal jou vergoed as dit beskadig of gesteel is.

Die meeste wat ons vir die bromperd (bromponie en/of motorfiets) sal betaal, is die redelike markwaarde daarvan of die waarde wat op jou skedule getoon word, wat ook al die minste is. Indien die bromperd (bromponie en/of motorfiets) gefinansier is, moet ons eers die finansieringsmaatskappy betaal.

Dit bly ons alleenlike besluit om óf 'n bromponie en/of motorfiets te herstel óf af te skryf. Wanneer 'n voertuig afgeskryf word en ons jou vir jou verlies vergoed, mag ons enige uitstaande boetes en nodige kostes, fooie en pre-kondisionele uitgawes vanaf die skikkingswaarde aftrek, sodat ons die regmatige eienaar van die voertuig kan word.

#### Insleep- en stoorkoste

Insleep vanaf die toneel van 'n ongeluk en daaropvolgende stoor daarvan is gedek. Ons sal die redelike koste om die bromperd (bromponie en/of motorfiets) te stoor of na die naaste hersteller te neem betaal. Jy sal self verantwoordelik wees vir die sleep- en stoorkoste van jou bromperd (bromponie en/of motorfiets) as jy nie die Virseker-Wegsleepdiens bel en/of een van ons goedgekeurde wrakwadienste gebruik nie.

#### Repatriasie

Indien die motor, buite die grense van Suid-Afrika deur enige gevaar wat deur die polis gedek is, beskadig word, sal die redelike koste om die motor te herwin en na die naaste Suid-Afrikaanse grens te neem, gedek wees. Die maksimum vergoeding vir repatriasie van 'n versekerde motor is die koste wat aangegaan is, maar sal nie meer as die maksimum bedrag van R7 500 wees nie.

#### Die kersie op die koek

Gesteelde bykomstighede is verseker, mits jy die bromperd (bromponie en/of motorfiets) terselfdertyd kwyt is.

#### Ander partye

Ons sal iemand anders namens jou vir skade en onkoste vergoed as die gereelde bestuurder volgens die wet verantwoordelik gehou word vir 'n ongeluk met die bromperd (bromponie en/of motorfiets), wat iemand anders se eiendom beskadig het.

Die maksimum bedrae wat ons onder hierdie sub-afdeling sal betaal, word op jou skedule getoon. Hierdie perke geld per voorval.

## **Ons vergoed jou nie vir:**

### **Geen lisensie, dronkbestuur, 'n geëndosseerde lisensie of ongeldige lisensie**

Indien hierdie bromperd (bromponie en/of motorfiets) deur die gereelde bestuurder bestuur word, of deur enige persoon wat die algemene toestemming van die gereelde bestuurder het om die bromperd (bromponie en/of motorfiets) te bestuur, en die bestuurder:

1. onder die invloed van alkohol of dwelms bestuur, of terwyl die persentasie alkohol in die bestuurder se bloed die wettige limiet oorskry of indien hy/sy nie 'n asemtoets slaag nie; of
2. nie gelisensieerd is om te bestuur nie of 'n bestuurslisensie het wat geëndosseer is, hetsy dit by die owerhede vertoon word vir nalatige, roekelose of dronkbestuur, of vir bestuur terwyl die persentasie alkohol in die bestuurder se bloed die wettige limiet oorskry.

### **Onpadwaardige bromperd (bromponie en/of motorfiets)**

As die bromperd (bromponie en/of motorfiets) in 'n ongeluk is en onpadwaardig is, soos bepaal in die wetgewing vir padwaardigheid.

### **Ongemagtigde gebruik van bromperd (bromponie en/of motorfiets)**

Indien iemand die bromperd (bromponie en/of motorfiets) gebruik sonder jou medewete of toestemming en jy nie binne 48 uur 'n kriminele klag teen die oortreder by die polisie ingedien het nie. Jy mag ook nie die klag terugtrek nie.

### **Bromperd (Bromponie en/of motorfiets) gebruik om 'n inkomste te verdien**

Indien die bromperd (bromponie en/of motorfiets) gebruik word om betalende passasiers rond te rits, vir verhuring of vir bestuurslesse.

### **Bromperd vir motorsport gebruik**

Indien die bromperd (bromponie en/of motorfiets) in enige soort resies, kompetisie, tydren of op 'n renbaan gebruik word.

### **Verlating van die toneel na 'n ongeluk**

Indien die motorfiets of bromponie in 'n ongeluk betrokke is en die persoon wat die motorfiets of bromponie bestuur het, die toneel van die ongeluk onwettig verlaat. Indien die bromperd (bromponie en/of motorfiets) in die motorfietsbedryf gebruik word, tensy dit gediens of reggemaak word.

### **Bromperd (bromponie en/of motorfiets) in die motorfietsbedryf gebruik**

Indien die bromperd (bromponie en/of motorfiets) in die motorfietsbedryf gebruik word, tensy dit gediens of reggemaak word.

### **Bromperd (bromponie en/of motorfiets) in die buiteland gebruik**

Indien die bromperd (bromponie en/of motorfiets) buite Suid-Afrika, Botswana, Lesotho, Malawi, Mosambiek, Namibië, Swaziland en Zimbabwe gebruik word. Ons sal niemand anders namens jou vergoed as die bromperd (bromponie en/of motorfiets) buite Suid-Afrika gebruik word nie.

### **Dood of besering van 'n lid van jou huishouding of 'n werknemer weens 'n ongeluk**

As 'n lid van jou huishouding sterf of beseer is in 'n ongeluk, of iemand wat vir jou werk sterf of beseer word terwyl hy/sy besig is om te werk.

### **Eiendom in jou besit en dié van die lede van jou huishouding**

As die eiendom in jou besit jou eie is, of die eiendom van lede van jou huishouding, of ander eiendom wat jy en die lede van jou huishouding by hulle het ten tye van die ongeluk.

### **Versekering onder die Padongelukfonds**

Vir enigiets wat onder die Padongelukfonds betaal sal word.

## Dood of besering van enige persoon

Die dood of besering van enige persoon wat op die bromperd (bromponie en/of motorfiets) ry, of op die bromperd (bromponie en/of motorfiets) klim of daarvan afklim.

## Karavaan

Hier kan jy eis vir enige ongeluiskade aan jou karavaan, of as dit gesteel is. Jy mag ook eis vir skade wat jy aan iemand anders se eiendom berokken het.

### Gebruik van die karavaan

Jy sal net versekering geniet indien jy die karavaan uitsluitlik vir sosiale, huishoudelike en plesierdoeleindes gebruik. Dit wil sê, as jy 'n plesierige Afrikaner is.

#### Ons sal jou vergoed vir:

### Die karavaan

Die karavaan is omvattend verseker. Dit beteken ons sal jou vergoed indien die karavaan beskadig of gesteel is.

Die meeste wat ons vir die karavaan sal betaal is die redelike markwaarde daarvan of die waarde wat op jou skedule aangetoon word, wat ook al die minste is. Indien die karavaan gefinansier is, moet ons eers die finansieringsmaatskappy betaal.

### Insleep- en stoorkoste

Insleep vanaf die toneel van 'n ongeluk en daaropvolgende berging daarvan is gedek. Ons sal die redelike koste om die karavaan te berg of na die naaste hersteller te neem betaal. Jy sal self verantwoordelik wees vir die sleep- en bergingskoste van jou karavaan as jy nie die Virseker-Wegsleepdiens bel en/of een van ons goedgekeurde wrakwadienst gebruik nie.

### Ander partye

Indien die gereelde bestuurder volgens die wet aanspreeklik is vir 'n ongeluk veroorsaak deur óf in verband met die woonwa, wat skade aan 'n ander party se eiendom aangerig het, sal ons die ander party namens jou vir skade, onkoste en uitgawes vergoed.

Die maksimum bedrae wat ons onder hierdie sub-afdeling sal betaal word op jou skedule getoon. Hierdie perke geld per voorval.

#### Ons vergoed jou nie vir:

### Geen lisensie, dronkbestuur, 'n geëndosseerde lisensie of ongeldige lisensie

As die karavaan gesleep is deur 'n kar wat deur die gereelde bestuurder bestuur word, of deur enige persoon wat die toestemming van die gereelde bestuurder het om die voertuig te bestuur, en die bestuurder:

1. onder die invloed van alkohol of dwelms bestuur, of terwyl die persentasie alkohol in die bestuurder se bloed die wettige limiet oorskry of indien hy/sy nie 'n asemtoets slaag nie, of
2. nie gelisensieerd is om te bestuur nie of 'n bestuurslisensie het wat geëndosseer is, hetsy dit op die bestuurslisensie of by die owerhede vertoon word vir nalatige, roekelose of dronkbestuur, of vir bestuur terwyl die persentasie alkohol in die bestuurder se bloed die wettige limiet oorskry.

### Onpadwaardige motor of karavaan

As die karavaan of die kar wat dit sleep onpadwaardig is, soos bepaal in die wetgewing vir padwaardigheid, of indien die wet of verkeersreëls die sleep van 'n karavaan verbied.

### Karavaan in die buiteland gebruik

Indien die karavaan buite Suid-Afrika, Botswana, Lesotho, Malawi, Mosambiek, Namibië, Swaziland of Zimbabwe gebruik word. Ons sal niemand anders namens jou vergoed indien die karavaan buite Suid-Afrika gebruik word nie.

Dood of besering van 'n lid van jou huishouding of 'n werknemer weens 'n ongeluk

As 'n lid van jou huishouding sterf of beseer is in 'n ongeluk, of iemand wat vir jou werk sterf of beseer word terwyl hy/sy besig is om te werk.

## Eiendom in jou besit en dié van die lede van jou huishouding

As die eiendom in jou besit jou eie is, of die eiendom van die lede van jou huishouding, of ander eiendom wat jy en die lede van jou huishouding by hulle het ten tye van die ongeluk, of items binne die karavaan, behalwe as jy dit onder karavaaninhoud verseker het.

## Versekering onder die Padongelukfonds

Vir enigiets wat onder die Padongelukfonds betaal sal word.

## Dood of besering van enige persoon

Indien hy/sy tydens die ongeluk in die karavaan was.

# Karavaan – los inhoud

Hier kan jy eis vir verlies van of skade aan die los inhoud van die karavaan.

### Ons sal jou vergoed vir:

1. Die los inhoud van die karavaan, jou persoonlike besittings en dié van jou gesinslede wat by jou woon. Dit moet binne die karavaan gehou word, en jou skedule moet aantoon dat jy 'n premie daarvoor betaal.
2. Verlies of skade as gevolg van brand, weerlig, ontploffing, kwaadwillige beskadiging, botsing met die karavaan, vallende bome (maar nie terwyl dit afgekap word nie), aardskudding, storm, vloed, inbraak of diefstal, maar slegs indien ons die skade wat deur die inbraak aangerig is kan sien.

### Ons vergoed jou nie vir:

1. Aktes, verbande, wisselbriewe, skuldbriewe, geld, tjeks, seëls, dokumente van enige aard, manuskripte, medaljes en munte, seldsame boeke, rygoed of fietse.
2. Goedere wat jy meer spesifiek elders, of met ons, verseker het.
3. Goedere en besittings wat jy uitsluitlik vir besigheid, professionele of handelsdoeleindes gebruik.

# Gholfkarretjie – omvattend

Hier kan jy eis vir enige ongeluyskade aan jou gholfkarretjie, of as dit gesteel is. Jy mag ook eis vir skade wat jy aan iemand anders se eiendom berokken.

## Gebruik van die gholfkarretjie

Jy sal net dekking geniet indien jy die gholfkarretjie uitsluitlik vir sosiale, huishoudelike en plesierdoeleindes gebruik. Dit wil sê, as jy 'n plesierige Afrikaner is.

### Ons sal jou vergoed vir:

## Die gholfkarretjie

Die gholfkarretjie is omvattend verseker. Dit beteken ons sal jou vergoed indien die gholfkarretjie beskadig of gesteel word.

Die meeste wat ons vir die gholfkarretjie sal betaal is die redelike markwaarde daarvan of die waarde wat op jou skedule aangetoon word, wat ook al die minste is. Indien die gholfkarretjie gefinansier is, moet ons eers die finansieringsmaatskappy betaal.

## Insleep- en stoorkoste

Insleep vanaf die toneel van 'n ongeluk en daaropvolgende berging daarvan is gedek. Ons sal die redelike koste betaal om die gholfkarretjie te berg of om dit na die naaste hersteller te sleep. Jy sal persoonlik verantwoordelik vir die insleepkoste en berging van jou gholfkarretjie wees as jy nie die insleepnommer bel nie en/of nie die goedgekeurde insleepdiens wat ons aanwys gebruik nie.

## Ander partye

Indien die gereelde bestuurder volgens die wet aanspreeklik is vir 'n ongeluk veroorsaak deur óf in verband met die gholfkaretjie, wat skade aan 'n ander party se eiendom aangerig het, sal ons die ander party namens jou vir skade, onkoste en uitgawes vergoed.

Die maksimum bedrae wat ons onder hierdie sub-afdeling sal betaal word op jou skedule getoon. Hierdie perke geld per voorval.

### Ons vergoed jou nie vir:

## Geen lisensie, dronkbestuur, 'n geëndosseerde lisensie of ongeldige lisensie

As die gholfkaretjie op 'n openbare pad bestuur of gesleep is deur 'n kar wat deur die gereelde bestuurder bestuur word, of deur enige persoon wat die toestemming van die gereelde bestuurder het, en die bestuurder:

1. onder die invloed van alkohol of dwelms bestuur, of terwyl die persentasie alkohol in die bestuurder se bloed die wettige limiet oorskry of indien hy/sy nie 'n asemtoets slaag nie; of
2. nie gelisensieerd is om te bestuur nie of 'n bestuurslisensie het wat geëndosseer is, hetsy dit op die bestuurslisensie of by die owerhede vertoon word vir nalatige, roekelose of dronkbestuur, of vir bestuur terwyl die persentasie alkohol in die bestuurder se bloed die wettige limiet oorskry.

## Ongemagtigde gebruik van die gholfkaretjie

Indien iemand die gholfkaretjie gebruik sonder jou medewete of toestemming en jy nie binne 48 uur 'n kriminele klag teen die oortreder ingedien het nie. Jy mag ook nie die klag terugtrek nie.

## Gholfkaretjie in die buiteland gebruik

Ons sal jou nie vergoed of iemand anders namens jou vergoed as die gholfkaretjie buite Suid-Afrika gebruik word nie.

## Dood of besering van 'n lid van jou huishouding of 'n werknemer weens 'n ongeluk

As 'n lid van jou huishouding sterf of beseer is in 'n ongeluk wat verband hou met, of veroorsaak is deur, die gholfkaretjie, of iemand wat vir jou werk sterf of beseer word terwyl hy/sy besig is om in of met die gholfkaretjie te werk.

## Eiendom in jou besit en dié van die lede van jou huishouding

As die eiendom in jou besit jou eie is, of die eiendom van die lede van jou huishouding, of ander eiendom wat jy en die lede van jou huishouding by hulle het ten tye van die ongeluk, of items binne die gholfkaretjie.

## Versekering onder die Padongelukfonds

Vir enigiets wat onder die Padongelukfonds betaal sal word.

## Dood of besering van enige persoon

Indien hy/sy tydens die ongeluk in die gholfkaretjie was.

# Sleepwa

Hier kan jy eis vir enige skade aan jou sleepwa, of as dit gesteel is. Jy mag ook eis vir skade wat jy aan iemand anders se eiendom berokken het.

## Definisie van 'n sleepwa

'n Sleepwa word gedefinieer as 'n voertuig sonder enige middel van self-aandrywing, ontwerp om getrek te word deur 'n self-aangedrewe voertuig.

## Gebruik van die sleepwa

Jy sal slegs versekering geniet indien jy die sleepwa uitsluitlik vir sosiale, huishoudelike en plesierdoeleindes gebruik. Dit wil sê, as jy 'n plesierige Afrikaner is.

## **Ons sal jou vergoed vir:**

### **Die sleepwa**

Die sleepwa is omvattend verseker. Ons sal jou vergoed indien dit beskadig of gesteel word.

Die meeste wat ons vir die sleepwa sal betaal is die redelike markwaarde daarvan, of die waarde wat op jou skedule aangetoon word, wat ook al die minste is. Indien die sleepwa gefinansier is, moet ons eers die finansieringsmaatskappy betaal.

### **Vervoer- en stoorkoste**

Insleep vanaf die toneel van 'n ongeluk en daaropvolgende berging daarvan is gedek. Ons sal die redelike koste om die sleepwa te berg of na die naaste hersteller te neem betaal. Jy sal persoonlik verantwoordelik vir die insleepkoste en berging van jou sleepwa wees as jy nie die insleepnommer skakel nie en/of nie die goedgekeurde insleepdiens wat ons aanwys, gebruik nie.

### **Ander partye**

Indien die gereelde bestuurder volgens die wet aanspreeklik is vir 'n ongeluk veroorsaak deur óf in verband met die sleepwa, wat skade aan 'n ander party se eiendom aangerig het, sal ons die ander party namens jou vergoed vir skade, onkoste en uitgawes.

Die maksimum bedrae wat ons onder hierdie sub-afdeling sal betaal, word op jou skedule getoon. Hierdie perke geld per voorval.

## **Ons vergoed jou nie vir:**

### **Geen lisensie, dronkbestuur, 'n geëndosseerde lisensie of ongeldige lisensie**

As die sleepwa gesleep is deur 'n kar wat deur die gereelde bestuurder bestuur word, of deur enige persoon wat sy/haar toestemming het, en die bestuurder:

1. onder die invloed van alkohol of dwelms bestuur, of terwyl die persentasie alkohol in die bestuurder se bloed die wettige limiet oorskry of indien hy/sy nie 'n asemtoets slaag nie; of
2. nie gelisensieerd is om te bestuur nie of 'n bestuurslisensie het wat geëndosseer is, hetsy dit op die bestuurslisensie of by die owerhede vertoon word vir nalatige, roekelose of dronkbestuur, of vir bestuur terwyl die persentasie alkohol in die bestuurder se bloed die wettige limiet oorskry.

### **Onpadwaardige motor of sleepwa**

As die sleepwa of die kar wat dit sleep onpadwaardig is, soos bepaal in die wetgewing vir padwaardigheid, of indien die wet of verkeersreëls die sleep van sleepwaens verbied.

### **'n Sleepwa wat gebruik word om vragte, wat die geregistreerde kapasiteit daarvan oorskry, te vervoer**

Indien die versekerde sleepwa gebruik word om enige vrag, wat die geregistreerde kapasiteit oorskry, te vervoer.

### **Sleepwa in die buiteland gebruik**

As die sleepwa buite Suid-Afrika, Botswana, Lesotho, Malawi, Mosambiek, Namibië, Swaziland en Zimbabwe gebruik word. Ons sal niemand anders namens jou vergoed indien die sleepwa buite Suid-Afrika gebruik word nie.

### **Dood of besering van 'n lid van jou huishouding of 'n werknemer weens 'n ongeluk**

As 'n lid van jou huishouding sterf of beseer is in 'n ongeluk, of iemand wat vir jou werk sterf of beseer word terwyl hy/sy besig is om te werk.

### **Eiendom in jou besit en dié van die lede van jou huishouding**

As die eiendom in jou besit jou eie is, of die eiendom van die lede van jou huishouding of ander eiendom wat jy en die lede van jou huishouding by hulle het ten tye van die ongeluk, of as dit items binne die sleepwa is.

### **Dekking onder die Padongelukfonds**

Vir enigiets wat onder die Padongelukfonds betaal sal word.

## Dood of besering van enige persoon

Indien hy/sy in die sleepwa was tydens die ongeluk.

# Watertuig

Hier mag jy eis vir enige skade aan jou watertuig, of as dit gesteel is. Jy mag ook eis vir skade wat jy aan ander partye en hul eiendom berokken het.

## Hoe en waar jy die watertuig mag gebruik

1. Jy sal slegs versekering geniet as jy die watertuig vir sosiale, huishoudelike en plesierdoeleindes, en vir die doel waarvoor dit gemaak is, gebruik. Dit wil sê, as jy 'n plesierige Afrikaner is.
2. Die watertuig moet deur jou of iemand wat jou toestemming het gestuur en beheer word. Jy moet ook toesien dat jy die reëls en regulasies van die spesifieke waters waar die watertuig gebruik word, nakom.
3. Die watertuig moet aan wal of drywend wees op binnelandse of kuswaters, of per pad, see, lug of spoor vervoer word, deur:
  - a binnelandse waters van suidelike Afrika, synde alle binnelandse, nie-getygebonde, vaarbare waterweë van Botswana, Lesotho, Malawi, Mosambiek, Namibië, Suid-Afrika, Swaziland, Zambië en Zimbabwe, insluitend mere, riviere en damme wat gebruik word vir sport en ontspanning; en
  - b kuswaters van Suider-Afrika, synde die territoriale waters binne 'n afstand van 20 km van die kus, vanaf Walvisbaai, Namibië, op die Atlantiese Oseaan, om die kus van Suid-Afrika tot nie verder noord as die breedtegraad 23° suid nie, Mosambiek, op die Indiese Oseaan.
  - c dekking buite Suid-Afrika is slegs beperk tot eie skade.

## Ons sal jou vergoed vir:

## Die watertuig, sy masjinerie en motor(s), standaardmonterings, uitrusting, toerusting en gemonteerde bybehore

Die watertuig, sy masjinerie en motor(s), standaardmonterings, uitrusting, toerusting en gemonteerde bybehore is omvattend verseker. Ons sal jou vergoed indien dit beskadig of gesteel word.

Die meeste wat ons vir die watertuig sal betaal is die redelike markwaarde, of die waarde wat op jou skedule aangetoon word, wat ook al die minste is. Indien die watertuig gefinansier is, moet ons eers die finansieringsmaatskappy betaal.

## Die redelike herwinningskoste

Die redelike herwinningskoste wat jy sou moes aangaan om verdere skade aan of verlies van die vaartuig te voorkom of te verminder, word gedek.

## Opspoor van die watertuig

Die redelike koste om die watertuig op te spoor nadat dit gestrand het, met iets gebots het of gesink het (dus in warm water was) is verseker.

## Terugvoering

Die redelike koste om die watertuig te stoor en af te lewer na die naaste grenspos van Suid-Afrika, is verseker as die watertuig buite Suid-Afrika beskadig was deur enigiets wat die polis verseker.

## Ander partye

Ons sal die ander partye (dit sluit die mense in die versekerde watertuig, of 'n waterskiër uit) vir skade, koste en uitgawes vergoed indien die stuurman of -vrou van die watertuig volgens wet verantwoordelik is vir 'n ongeluk wat 'n ander party se eiendom beskadig het, of beswyking of besering veroorsaak het. Die ongeluk moes veroorsaak gewees het deur, of verband gehou het met, die watertuig op die polis.

Daar sal geen versekering wees as die watertuig per pad vervoer was tydens 'n ongeluk, of as dit buite Suid-Afrika of meer as 20 km vanaf Suid-Afrika se kus gebruik was nie.

## Waterskiër-aanspreeklikheid

Waterskiër-aanspreeklikheid word verseker, maar slegs as jou skedule aantoon dat jy 'n premie daarvoor betaal.

1. Indien die stuurman of -vrou van die watertuig volgens wet verantwoordelik is, sal ons betaal vir die toevallige dood, liggaamlike beserings, verlies, of skade aan die waterskiër en/of sy/haar besittings, terwyl hy/sy deur die watertuig gesleep word of terwyl hy/sy voorberei om gesleep te word, of nog in die water ronddobber voor hy/sy in die watertuig terugklim.
2. As die waterskiër volgens wet verantwoordelik is, sal ons betaal vir die dood of liggaamlike beserings van ander en die verlies van of skade aan eiendom van ander, veroorsaak in 'n ongeluk deur die waterskiër terwyl hy/sy gesleep word of voorberei om gesleep te word, of nog in die water ronddobber voor hy/sy in die watertuig terugklim.

### Ons vergoed jou nie vir:

## Jy en jou passasiers se eiendom

As die eiendom in jou besit jou eie is, of die eiendom van jou passasiers, of ander eiendom wat jy en jou passasiers by julle op die watertuig het.

## Die watertuig se sleepwa

Die sleepwa moet afsonderlik verseker word.

## Dood of besering van 'n lid van jou huishouding of 'n werknemer weens 'n ongeluk

Indien 'n lid van jou huishouding sterf of beseer is in 'n ongeluk, of iemand wat vir jou werk sterf of beseer is terwyl hy/sy besig is om te werk.

## Watertuig gebruik vir verhuring of bevrugting of om 'n inkomste te verdien

Indien die watertuig gebruik word om betalende passasiers rond te rits, vir verhuring of navigasie-instruksie gebruik word, of terwyl dit vir bevrugting gebruik word.

## Konfiskering

Indien daar op die watertuig beslag gelê word of dit deur 'n wettige instansie gekonfiskeer word.

## Foutiewe herstelwerk, latente defekte, lansering

Enige verlies of skade veroorsaak deur foutiewe herstelwerk of instandhouding, 'n latente defek in die watertuig se ontwerp, konstruksie of masjinerie.

## Insekte of peste

Enige skade of verlies wat deur insekte of peste veroorsaak word.

## Vervoer per pad

Indien die watertuig nie op 'n behoorlik geboude, ontwerpte en padwaardige sleepwa vervoer word nie.

## Seeroof van watertuig of watertuig gebruik vir wedstryde

Enige verlies of skade deur seerowery veroorsaak of terwyl die watertuig vir enige soort wedstryde, spoed- of betroubaarheidstoets gebruik word. Indien die watertuig gebruik is in 'n georganiseerde seilwedstryd, sal die koste van vervanging en herstelwerk aan seile, maste, rondhout, staande en lopende takelwerk tot twee derdes van daardie koste beperk word.

## Seile en beskermende oortreksels

Enige verlies van of skade aan seile en beskermende oortreksels as gevolg van die wind wat dit geskeur of weggewaai het, behalwe as die watertuig gestrand is, sink, brand, bots of wanneer die rondhout waaraan die seile vasgemaak is beskadig word.

## Watertuig sonder toesig gelaat

Indien die watertuig en sy motor(s) sonder toesig gelaat word vir langer as twaalf ure aanmekaar, tensy die watertuig en sy motor(s) binne 'n marina of erkende vasmeerplek, binne die grense van die versekerde se huis, by enige skeepswerf of herstelplek, of by enige ander erkende stoorplek was.

## Brandblusser(s) wat nie geïnstalleer is nie of nie werk nie

Vir enige verlies of skade veroorsaak deur brand aan enige watertuig toegerus met binneboordse masjinerie wat nie 'n brandblusser, wat behoorlik funksioneel is en in 'n goeie toestand is nie, het nie.

## Stuurman of -vrou onder die invloed

Indien die stuurman of -vrou onder die invloed van drank of dwelms is, of terwyl die persentasie alkohol in die stuurman of -vrou se bloed die wettige limiet oorskry en/of indien hy/sy nie 'n asemtoets slaag nie.

## Watertuig by 'n ongeregistreerde vasmeerplek vasgemeer

Vir enige verlies of skade aan enige watertuig terwyl dit permanent by 'n ongeregistreerde marina of vasmeerplek vasgemeer is.

## Onderdompelde motors

Indien jy nie dadelik 'n onderdompelde motor uitspoel of weer aansluit, waar dit van toepassing en prakties is nie.

## Motor(s) wat nie behoorlik vasgebout is nie

- Vir die verlies van of skade aan die watertuig se masjinerie en buiteboordmotor(s) terwyl dit nie behoorlik vasgebout was aan die watertuig nie.
- Diefstal of poging tot diefstal van:
- Motors/enjins, masjinerie, toerusting, toebehore en bykomstighede, wat sonder sigbare tekens van geforseerde toegang, gebeur. Die buiteboordmotor as dit nie veilig aan die boot met boute of 'n ketting geheg is nie.

## Geen diefweertoestel

As die watertuig se buiteboordmotor(s) gesteel word terwyl dit nie behoorlik aan die watertuig deur 'n diefweertoestel vasgesluit was nie.

## Enige ander verlies of skade

Vir enige verlies of skade direk of indirek veroorsaak deur die onklaarraking, breekskade of roes, slytasie, agteruitgang of waardevermindering, tot niet gaan, verbleiking, meganiese of elektriese onklaarraking, insekte of knaagdiere en gevolglike verlies van enige oorsaak.

# Huisinhoud – omvattend

Onder hierdie afdeling mag jy eis vir items wat beskadig word in of gesteel word uit jou huis, indien jou skedule aandui dat jy die dekking gekies het en 'n premie hiervoor betaal. Hierdie afdeling sluit dekking vir enige verlies of skade in, wat deur inbraak, diefstal, brand, weerlig, kragoorlading (tot en met die bedrag wat op jou skedule verskyn), ontploffing, kwaadwillige beskadiging, botsing met jou huis en buitegeboue, vallende bome (maar nie terwyl dit afgekap word nie), aardskuddings, storms, vloede of skade as gevolg van geisers, toerusting of pype wat bars of oorloop veroorsaak word.

## Ons sal jou ook vergoed vir:

### Waardevolle items

Indien jy vir beskadigde of gesteelde edelmetale en –stene, juwele en horlosies eis, mag ons waardasiesertifikate vir die gesteelde items benodig. Waardasiesertifikate moet vir alle juwele en/of horlosies wat vir hoër geëvalueer word, soos dit op jou skedule verskyn, verskaf word.

Individuele juweliersware items en/of horlosies moet in 'n veilig-geslote SABS-goedgekeurde muurkluis gestoor word wanneer dit nie gedra word nie en die waarde die minimum bedrag op jou polisskedule oorskry. Indien items vanaf 'n veilig-geslote muurkluis gesteel word sal ons u slegs vergoed as ons die skade wat aan die kluis veroorsaak is, kan sien.

## Veiligheidswagte

Na 'n insident waar daar skade of verlies aan die geboue aangerig is en waarvan die sekuriteit maatreëls nie dadelik reggemaak kon word nie, sal sekuriteit na jou gebou gestuur word om dit te beskerm.

### **Die maksimum vergoeding vir die volgende items verskyn op jou skedule:**

#### **Kos wat sleg word**

Kos wat sleg word as gevolg van 'n kragonderbreking of as jou ys- of vrieskas breek.

#### **Gesteelde wasgoed, tuinmeubels en ontspanningstoerusting**

Wasgoed of tuinmeubels wat gesteel word by jou huis terwyl dit buite is. Verlies van of skade aan tuin- en ontspanningstoerusting wat ontwerp is om buite te wees, naamlik braaitoerusting en -bybehore, swembadskoonmaaktoerusting en klouterrame.

#### **Jou gaste se besittings**

Jou gaste se besittings wat uit jou huis gesteel word.

#### **Geld uit jou huis**

Geld wat uit jou huis gesteel word, solank ons die skade wat deur die inbraak aangerig is kan sien of as daar geweldadige of geforseerde toegang was.

#### **Persoonlike dokumente, munte en seëls**

Verlies van persoonlike dokumente, munte en/of 'n seëlversameling.

#### **Slotte en sleutels**

Slotte en sleutels, indien dit verloor of beskadig word.

#### **'n Gholfkolhou of 'n rolbalvoltal**

'n Kolhou of voltal op 'n erkende gholf- of rolbalbaan. Om wat mee te maak? 'n Rondte te koop by die 19de putjie, natuurlik.

#### **Jy en/of jou lewensmaat se dood**

Jy en/of jou lewensmaat se dood, indien dit as gevolg van 'n brand of inbraak by jou huis is.

#### **Jou huishoudelike werker se besittings**

Jou huishoudelike werker se besittings indien dit gesteel is, maar slegs as ons die skade wat deur die inbraak aan die geboue aangerig is kan sien.

#### **Mediese uitgawes**

Mediese uitgawes as gevolg van 'n besering wat veroorsaak is deur 'n defek in jou geboue of deur jou troeteldier. Ons sal jou nie vergoed vir beserings van 'n lid van jou huishouding nie, maar wel vir jou huishoudelike werker se beserings.

#### **Veeartskoste**

Veeartskoste indien jou troeteldier in 'n padongeluk seerkry.

#### **Huur om elders te bly**

Die huur wat jy moet betaal om op 'n ander plek te bly as jy nie in jou huis kan woon nie omdat dit deur enigiets verseker deur die polis beskadig is. Dekking is beperk tot jou werklike verlies, maar sal nie 20% van die versekerde bedrag oorskry nie.

#### **Besittings as dit in 'n treklorrie is**

Jou besittings, as dit in 'n treklorrie is en in 'n ongeluk is. Ons sal jou ook vergoed vir skade veroorsaak deur brand, weerlig en ontploffing terwyl jou besittings vervoer word of in 'n geregistreerde meubelpakhuis gestoor word.

## Breek van spieëls en glas

Spieëls en glas wat deel is van 'n stoof, oond of meubels, indien dit per ongeluk breek.

## Breek van televisie

As dit per ongeluk breek, maar nie as dit elektronies of meganies onklaar raak nie.

## Brandweerkoste

Brandweerkoste as daar 'n brand by jou huis is

## Aanspreeklikheid as 'n huisbewoner

Ons sal jou vergoed as jy volgens wet verantwoordelik is vir:

1. enigiemand anders as jy of jou gesin wat saam met jou woon, of iemand wat vir jou werk, wat in 'n ongeluk by jou adres sterf of seerkry;
2. die eiendom van enige persoon wat per ongeluk by jou huis beskadig word, maar dit is nie joune, 'n lid van jou gesin s'n of iemand wat vir jou werk nie s'n nie (let wel: iets wat nie aan jou en jou gesin behoort nie, maar wat jy vir iemand anders oppas, is nie verseker nie); en
3. die verhaalbare regs-koste van die persoon wat teen jou eis.

## Aanspreeklikheid as 'n huurder

Ons sal jou vergoed as jy volgens wet aanspreeklik gehou word vir:

1. skade aan die geboue wat jy huur by die versekerde adres en die eienaar se vaste toebehore, veroorsaak deur enigiets wat in hierdie polis verseker word;
2. badkamertoerusting of vaste glaspanele by die versekerde adres wat per ongeluk breek; en
3. water-, gas- of rioolpype of elektrisiteits- of telefoonverbindinge van die geboue of buitegeboue by die versekerde adres wat per ongeluk breek.

## Aanspreeklikheid teenoor huishoudelike werkers

As jy volgens wet aanspreeklik gehou word, sal ons betaal as jou huishoudelike werker beseer word of sterf as gevolg van 'n ongeluk wat by jou woning plaasgevind het terwyl hy/sy besig was om te werk.

### Ons vergoed jou nie vir:

## Verskeie dokumente, geld, ens

Aktes, verbande, wisselbriewe, skuldbriewe, geld, tjeks, seëls, dokumente van enige aard, manuskripte, medaljes en munte, seldsame boeke, karre of die klankstelsels daarin, bykomstighede of onderdele, diere, watertuie, sleepwaens of karavane.

## Goedere meer spesifiek verseker

Items wat jy meer spesifiek elders, of by ons, verseker het.

## Brandskade aan 'n grasdakgebou

Brandskade as jou huis of buitegeboue 'n grasdak het, tensy jou skedule aantoon dat dit verseker is.

## Skade aan nie-goedgekeurde geboue

Enige skade indien die plaaslike owerheid nie die konstruksie van die gebou goedgekeur het of sou goedgekeur nie.

## Goedere wat uitsluitlik vir handelsdoeleindes gebruik word

Goedere en besittings wat jy uitsluitlik vir besigheid, professionele of handelsdoeleindes gebruik.

## Boorgat- en swembadtoerusting

Hierdie items kan afsonderlik onder 'n draagbare-besittingspolis verseker word.

## Items wat uit jou motorhuis en buitegeboue gesteel word

Ons sal jou slegs vergoed as ons die skade wat deur die inbraak aangerig is kan sien.

## Huis gebruik as 'n kommune

Enige verlies of skade indien meer as twee onverwante persone in jou huis woon en dit 'n kommune is.

## Huis onbewoon

Inbraak of diefstal, slegs as jou huis of 'n deel van jou huis verhuur word en slegs as ons die skade kan sien wat deur die inbraak veroorsaak is. Daar is geen dekking as jou huis vir meer as 60 dae in 'n jaar onbewoon is nie, tensy jy ons verwittig het en jou skedule spesifiek aandui dat jy dekking het.

## Vervoer en stoor buite Suid-Afrika

Enige skade of verlies indien jou besittings in 'n trekklorrie vervoer word of buite die grense van Suid-Afrika gestoor word.

## Oortreding van bouregulasies en vervaardigerspesifikasies

Enige skade wat veroorsaak is deur, of wat met kaggels, braai areas, gas installasies, kragopwekkers en ander verwarmingstelsels verband hou en die installasie daarvan nie aan die nasionale bouregulasies of vervaardigerspesifikasies voldoen nie.

## Aanspreeklikheidseise

Vir dood, besering of skade veroorsaak deur, voortspruitend uit, of die resultaat van, jou:

1. eienaarskap, besit of gebruik van vliegtuie, karre of watertuie;
2. eienaarskap van grond of geboue;
3. nastrewing of beoefening van enige ambag, besigheid of profesie;
4. diere, buiten 'n kat, hond of 'n perd wat vir plesierdoeleindes gery word;
5. gebruik van 'n wapen; of
6. opsetlike of kwaadwillige optrede.

## Wat gebeur as jy onderverseker is

Die bedrag waarvoor jy jou besittings verseker moet die vervangingswaarde daarvan weerspieël. Die vervangingswaarde is wat dit jou ten tye van die eis sal kos om al jou besittings met soortgelyke nuwes te vervang. Indien jy eis, sal ons die vervangingswaarde waarvoor jy dit moes verseker bereken. Indien jy dit vir minder verseker het, sal ons slegs 'n gedeelte van jou eis betaal, bv.:

EIS	R10 000
VERSEKER VIR	R50 000
VERVANGINGSWAARDE	R100 000
BEREKENING VIR ONDERVERSEKERING	$R10\ 000 \times R50\ 000$
	<hr/>
	R100 000
EISUITBETALING	R5 000

# Huisinhoud – slegs brand en storm

Onder hierdie afdeling mag jy eis vir items wat beskadig word in jou huis, indien jou skedule aandui dat jy die dekking gekies het en 'n premie hiervoor betaal. Hierdie afdeling sluit dekking vir brand, weerlig, kragoorlading (tot en met die bedrag wat op jou skedule verskyn), ontploffing, botsing met jou huis en buitegeboue, vallende bome (maar nie terwyl dit afgekap word nie), aardskuddings, storms, vloede of skade as gevolg van geisers, toerusting of pype wat bars of oorloop in.

## Ons sal jou ook vergoed vir:

### Waardevolle items

Indien jy vir beskadigde edelmetale en –stene, juwele en horlosies eis, mag ons waardasiesertifikate vir die gesteelde items benodig. Waardasiesertifikate moet vir alle juwele en/of horlosies wat vir hoër geëvalueer word, soos dit op jou skedule verskyn, verskaf word.

Individuele juweliersware items en/of horlosies moet in 'n veilig-geslote SABS-goedgekeurde muurkluis gestoor word wanneer dit nie gedra word nie en die waarde die minimum bedrag op jou polisskedule oorskry.

### Veiligheidswagte

Na 'n insident waar daar skade of verlies aan die geboue aangerig is en waarvan die sekuriteit maatreëls nie dadelik reggemaak kon word nie, sal sekuriteit na jou gebou gestuur word om dit te beskerm.

## Die maksimum vergoeding vir die volgende items verskyn op jou skedule:

### Kos wat sleg word

Kos wat sleg word as gevolg van 'n kragonderbreking of as jou ys- of vrieskas breek.

### wasgoed, tuinmeubels en ontspanningstoerusting

Verlies van of skade aan tuin- en ontspanningstoerusting wat ontwerp is om buite te wees, naamlik braaitoerusting en -bybehore, swembadskoonmaaktoerusting en klouerrame, as gevolg van enige rede wat onder jou polis gedek word.

### Persoonlike dokumente, munte en seëls

Verlies van persoonlike dokumente, munte en/of 'n seëlversameling.

### 'n Gholfkolhou of 'n rolbalvotal

'n Kolhou of votal op 'n erkende gholf- of rolbalbaan. Om wat mee te maak? 'n Rondte te koop by die 19de putjie, natuurlik.

### Jy en/of jou lewensmaat se dood

Jy en/of jou lewensmaat se dood, indien dit as gevolg van 'n brand by jou huis is.

### Mediese uitgawes

Mediese uitgawes as gevolg van 'n besering wat veroorsaak is deur 'n defek in jou geboue of deur jou troeteldier. Ons sal jou nie vergoed vir beserings van 'n lid van jou huishouding nie, maar wel vir jou huishoudelike werker se beserings.

### Veeartskoste

Veeartskoste indien jou troeteldier in 'n padongeluk seerkry.

### Huur om elders te bly

Die huur wat jy moet betaal om op 'n ander plek te bly as jy nie in jou huis kan woon nie omdat dit deur enigiets verseker deur die polis beskadig is. Dekking is beperk tot jou werklike verlies, maar sal nie 20% van die versekerde bedrag oorskry nie.

### Besittings as dit in 'n treklorrie is

Jou besittings, as dit in 'n treklorrie is en in 'n ongeluk is. Ons sal jou ook vergoed vir skade veroorsaak deur brand, weerlig en ontploffing terwyl jou besittings vervoer word of in 'n geregistreerde meubelpakhuis gestoor word.

## Brandweerkoste

Brandweerkoste as daar 'n brand by jou huis is

## Aanspreeklikheid as 'n huisbewoner

Ons sal jou vergoed as jy volgens wet verantwoordelik is vir:

1. enigiemand anders as jy of jou gesin wat saam met jou woon, of iemand wat vir jou werk, wat in 'n ongeluk by jou adres sterf of seerkry;
2. die eiendom van enige persoon wat per ongeluk by jou huis beskadig word, maar dit is nie joune, 'n lid van jou gesin s'n of iemand wat vir jou werk nie s'n nie (let wel: iets wat nie aan jou en jou gesin behoort nie, maar wat jy vir iemand anders oppas, is nie verseker nie); en
3. die verhaalbare regskoste van die persoon wat teen jou eis.

## Aanspreeklikheid as 'n huurder

Ons sal jou vergoed as jy volgens wet aanspreeklik gehou word vir:

1. skade aan die geboue wat jy huur by die versekerde adres en die eienaar se vaste toebehore, veroorsaak deur enigiets wat in hierdie polis verseker word;
2. badkamertoerusting of vaste glaspaneel by die versekerde adres wat per ongeluk breek; en
3. water-, gas- of rioolpype of elektrisiteits- of telefoonverbinding van die geboue of buitegeboue by die versekerde adres wat per ongeluk breek.

## Aanspreeklikheid teenoor huishoudelike werkers

As jy volgens wet aanspreeklik gehou word, sal ons betaal as jou huishoudelike werker beseer word of sterf as gevolg van 'n ongeluk wat by jou woning plaasgevind het terwyl hy/sy besig was om te werk.

## Ons vergoed jou nie vir:

## Verskeie dokumente, geld, ens

Aktes, verbande, wisselbriewe, skuldbriewe, geld, tjeks, seëls, dokumente van enige aard, manuskripte, medaljes en munte, seldsame boeke, karre of die klankstelsels daarin, bykomstighede of onderdele, diere, watertuie, sleepwaens of karavane.

## Goedere meer spesifiek verseker

Items wat jy meer spesifiek elders, of by ons, verseker het.

## Brandskade aan 'n grasdakgebou

Brandskade as jou huis of buitegeboue 'n grasdak het, tensy jou skedule aantoon dat dit verseker is.

## Skade aan nie-goedgekeurde geboue

Enige skade indien die plaaslike owerheid nie die konstruksie van die gebou goedgekeur het of sou goedgekeur nie.

## Goedere wat uitsluitlik vir handelsdoeleindes gebruik word

Goedere en besittings wat jy uitsluitlik vir besigheid, professionele of handelsdoeleindes gebruik.

## Boorgat- en swembadtoerusting

Hierdie items kan afsonderlik onder 'n draagbare-besittingspolis verseker word.

## Huis gebruik as 'n kommune

Enige verlies of skade indien meer as twee onverwante persone in jou huis woon en dit 'n kommune is.

## Huis onbewoon

Inbraak of diefstal, slegs as jou huis of 'n deel van jou huis verhuur word en slegs as ons die skade kan sien wat deur die inbraak veroorsaak is. Daar is geen dekking as jou huis vir meer as 60 dae in 'n jaar onbewoon is nie, tensy jy ons verwittig het en jou skedule spesifiek aandui dat jy dekking het.

## Vervoer en stoor buite Suid-Afrika

Enige skade of verlies indien jou besittings in 'n trekklorrie vervoer word of buite die grense van Suid-Afrika gestoor word.

## Oortreding van bouregulasies en vervaardigerspesifikasies

Enige skade wat veroorsaak is deur, of wat met kaggels, braai areas, gas installasies, kragopwekkers en ander verwarmingstelsels verband hou en die installasie daarvan nie aan die nasionale bouregulasies of vervaardigerspesifikasies voldoen nie.

## Aanspreeklikheidseise

Vir dood, besering of skade veroorsaak deur, voortspruitend uit, of die resultaat van, jou:

1. eienaarskap, besit of gebruik van vliegtuie, karre of watertuie;
2. eienaarskap van grond of geboue;
3. nastrewing of beoefening van enige ambag, besigheid of profesie;
4. diere, buiten 'n kat, hond of 'n perd wat vir plesierdoeleindes gery word;
5. gebruik van 'n wapen; of
6. opsetlike of kwaadwillige optrede.

## Wat gebeur as jy onderverseker is

Die bedrag waarvoor jy jou besittings verseker moet die vervangingswaarde daarvan weerspieël. Die vervangingswaarde is wat dit jou ten tye van die eis sal kos om al jou besittings met soortgelyke nuwes te vervang. Indien jy eis, sal ons die vervangingswaarde waarvoor jy dit moes verseker bereken. Indien jy dit vir minder verseker het, sal ons slegs 'n gedeelte van jou eis betaal, bv.:

EIS	R10 000
VERSEKER VIR	R50 000
VERVANGINGSWAARDE	R100 000
BEREKENING VIR ONDERVERSEKERING	$R10\ 000 \times R50\ 000$
	<hr/>
	R100 000
EISUITBETALING	R5 000

## Draagbare besittings

Hier mag jy eis vir items wat jy gewoonlik saam met jou dra wat weggaan, gesteel is of skade kry.

### Ons sal jou vergoed vir:

1. Verlies van of skade aan jou juweliersware, klere en die persoonlike items wat jy en jou gesinslede wat by jou woon gewoonlik dra of saam met jou dra. As enige een item meer as die bedrag op jou skedule werd is, moet dit apart gespesifiseer wees voordat ons jou daarvoor vergoed.
2. Enigiets wat nie aan bogenoemde beskrywing voldoen nie, maar slegs as ons ingestem het om dit te verseker en dit spesifiek op jou skedule aangetoon word.
3. Fietse, voorskryfbrille, kontaklense, selfone, skootrekenaars en elektroniese tablette, maar slegs as dit op jou skedule gespesifiseer is.
4. Boorgat- en swembadtoerusting (insluitend die pomp), maar slegs as dit op jou skedule gespesifiseer word.
5. Indien jy vir beskadigde of gesteelde edelmetale en -stene, juwele en horlosies eis, mag ons waardasiesertifikate vir die gesteelde items benodig. Waardasiesertifikate moet vir alle juwele en/of horlosies wat vir hoër ge-evalueer word, soos dit op jou skedule verskyn, verskaf word.
6. Individuele juweliersware items en/of horlosies moet in 'n veilig-geslote SABS-goedgekeurde muurkluis gestoor word wanneer dit nie gedra word nie en die waarde die minimum bedrag op jou polisskedule oorskry. Indien items vanaf 'n veilig-geslote muurkluis gesteel word sal ons u slegs vergoed as ons die skade wat aan die kluis veroorsaak is, kan sien.

## Ons vergoed jou nie vir:

1. Verlies, skade of agteruitgang as gevolg van motte of insekte, skoonmaak, stryk, herstel of opknapping.
2. Verlies van of skade aan 'n horlosie as gevolg van oopropwenning, lekkende batterye of onderdompeling in water.
3. Verlies van of skade aan 'n gespesifiseerde fiets wanneer dit nie gebruik word nie, tensy dit aan 'n soliede, onbeweegbare voorwerp vasgesluit was en daar tekens van sigbare, geforseerde skade is.
4. Iets wat jy slegs vir besigheids-, handels- of professionele doeleindes gebruik.
5. 'n Totaal wat meer as die bedrag op jou skedule is indien jou versekerde items uit die kajuit van jou kar gesteel word. Daar sal geen dekking wees as ons nie die skade wat deur die inbraak aangerig is, kan sien nie.
6. 'n Totaal wat meer as die bedrag op jou skedule is indien jou versekerde items uit die kasse van jou kar gesteel word. Daar sal geen dekking wees as ons nie die skade wat deur die inbraak aangerig is kan sien nie. Jou wasgoed wat gesteel word terwyl dit buite hang.
7. Meer as die bedrag wat op die skedule verskyn, indien items vanuit 'n watertuig, terwyl onbewaak, gesteel word. Daar sal geen dekking wees, indien ons nie die skade kan sien wat deur die inbraak veroorsaak is, nie.
8. Jou wasgoed wat gesteel word terwyl dit buite hang.
9. Geld, tjeks en ander verhandelbare instrumente.
10. Hommeluie en ander afstandbeheer voertuie, indien die toestelle verlore of beskadig raak tydens gebruik. Aanspreeklikheid weens die gebruik van hierdie toestelle word ook uitgesluit.

## Geboue

Hier mag jy vir skade aan die fisiese struktuur van jou huis en buitegebou(e) eis.

### Wat jy betaal wanneer jy eis – die bybetaling(s)

Elke keer wanneer iets gebeur waarvoor jy eis, is jy verantwoordelik vir die basiese bybetaling. Jy moet ook enige van die bykomende bybetalings op jou skedule, bo en behalwe die basiese bybetaling, betaal.

### Ons sal jou vergoed vir:

Verlies van of skade aan jou eie huis, motorhuis, buitegeboue, swembad (maar nie boorgat- en swembadtoerusting nie), mure, hekke, grensdrade, tennisbane en vir die bybehore en vaste toebehore by die adres op jou skedule.

#### Verlies of skade veroorsaak deur:

1. brand, weerlig, ontploffing en/of 'n aardskudding;
2. die bars of oorloop van waterpype of toerusting, maar nie as dit gekoppel is aan 'n warmwatertoestel of die warmwatertoestel self is nie;
3. storm of vloed, maar nie wanneer die skade aan jou steunmure is nie;
4. kragstuwings en -afnames;
5. botsing met jou huis en buitegeboue deur voertuie;
6. botsing met jou huis of buitegeboue deur vallende bome (maar nie terwyl hulle besig is om gefel te word nie);
7. diere, uitsluitend mak diere en troeteldiere;
8. kwaadwillige of doelbewuste skade, maar nie as jou huis vir meer as 60 dae per jaar leeg staan nie;
9. inbraak of diefstal, maar indien jou huis of 'n gedeelte daarvan verhuur word, sal enige verlies of skade veroorsaak deur die huurder(s) uitgesluit word. Daar is geen dekking as jou huis vir meer as 60 dae in 'n jaar onbewoon is nie, tensy jy ons verwittig het en jou skedule spesifiek aandui dat jy wel dekking het;

#### 10. Ineensakking van grond:

As jou skedule meld dat jy 'n premie vir dié versekering betaal, sal ons jou vergoed vir verlies of skade aan jou huis, motorhuis en buitegeboue wat deur ineensakking, deining of grondverskuiwing van die grond waarop die geboue staan veroorsaak is. Dekking sal toegestaan word op voorwaarde dat die verlies of skade nie veroorsaak is deur of toegeskryf kan word aan enige van die volgende nie:

- a uitgrawings (behalwe mynuitgrawings);
- b veranderinge, aanbouings of herstel van die woning;
- c die verdigting van vulstof;

d foutiewe ontwerp materiaal of vakmanskap; of

e normale besinking, inkrimping of uitsetting van die woning of grond waarop die geboue staan.

As jy 'n huisinhoudspolis by dieselfde versekerde adres het, sal jy ook vir huisinhouditems wat tydens dieselfde ineensakkings-, deinings- of grondverskuiwingsinsident as jou geboue verlore geraak het of beskadig is, vergoed word. Hierdie dekking sal slegs toegestaan word indien jou geboue-eis goedgekeur word; en

#### 11. Warmwatertoestelle:

Warmwatertoestelle sluit geisers, sonpanele en ketels in.

a verlies of skade veroorsaak deur die bars of oorloop van warmwatertoestelle, toerusting of pype geheg aan die warmwatertoestelle, tot die maksimum bedrag soos op jou skedule aangetoon; en

b verlies of skade aan warmwatertoestelle, bytoestelle en pype, maar slegs indien jou skedule aantoon dat jy vir warmwatertoestelversekering betaal.

#### 12. Veiligheidswagte

Na 'n insident waar daar skade of verlies aan die geboue aangerig is en waarvan die sekuriteit maatreëls nie dadelik reggemaak kon word nie, sal sekuriteit na jou gebou gestuur word om dit te beskerm.

## Die maksimum vergoeding vir elk van die volgende items verskyn op jou skedule:

### Verlies van huurinkomste

Die huurinkomste wat jy verloor het omdat jou huurder die versekerde gebou(e) moes verlaat as gevolg van skade wat veroorsaak is deur enige van die gebeure wat deur hierdie polis verseker word.

### Huuronkoste om elders te bly

Die onkoste wat jy moes betaal om 'n ander plek te huur omdat jou gebou(e) beskadig is deur enige van die gebeure wat deur die polis verseker word en jy nie daarin kan bly nie. Dekking is beperk tot jou werklike verlies, maar sal nie 20% van die versekerde bedrag oorskry nie.

### Professionele fooie

Jou koste vir professionele fooie en koste van openbare owerhede na skade veroorsaak deur enigiets wat deur die polis verseker word.

### Glas- en badkamertoerusting

Jou vaste glas- en badkamertoerusting wat per ongeluk beskadig is.

### Elektrisiteitsvoorsiening

Jou openbare elektrisiteitsvoorsiening of hoofkragverbindings wat per ongeluk beskadig word.

### Antennas

Jou klankstelsel/televisieantennas of -maste en satellietkottels, indien dit per ongeluk breek of gesteel word.

### Brandweerkoste

Brandweerkoste as daar 'n brand by jou huis is.

### Slopingkoste

Die koste om jou huis te sloop en die bourommel te verwyder indien dit deur enigiets beskadig word wat deur hierdie polis verseker word.

## Aanspreeklikheid as 'n huiseienaar

Indien jy volgens wet aanspreeklik gehou word, sal ons jou vergoed:

1. indien enige persoon behalwe jy of 'n lid van jou gesin wat saam met jou woon, of iemand wat vir jou werk by jou adres, in 'n ongeluk sterf of beseer word;
2. indien die eiendom van enige persoon per ongeluk by jou adres beskadig word, maar dit nie joune of 'n lid van jou gesin of iemand wat vir jou werk s'n is nie (let wel: iets wat nie aan jou en jou gesin behoort nie, maar wat jy vir iemand anders oppas, is nie verseker nie); en
3. vir die verhaalbare regskoste van die persoon wat teen jou eis.

## Aanspreeklikheid teenoor huishoudelike werkers

As jy volgens wet aanspreeklik gehou word, sal ons jou betaal indien jou huishoudelike werker seerkry of sterf in 'n ongeluk by jou huis terwyl hy/ sy besig was om te werk.

### Ons vergoed jou nie vir:

## Brandskade aan 'n grasdakgebou

Brandskade as jou huis of buitegeboue 'n grasdak het, tensy jou skedule aantoon dat dit verseker is.

## Skade aan nie-goedgekeurde geboue

Enige skade indien die betrokke plaaslike owerheid nie die konstruksie van die gebou goedgekeur het of sou goedkeur nie.

## Foutiewe ontwerp of konstruksie

Enige foutiewe ontwerp of konstruksie van jou geboue op die versekerde perseel.

## Wortels en onkruid

Enige verlies of skade aan ondergrondse pype, tennisbane, swembaddens of opritte wat deur wortels of onkruid veroorsaak is.

## Boorgat- en swembadtoerusting

Hierdie items kan afsonderlik onder 'n polis vir draagbare besittings gedek word.

## Oortreding van bouregulasies en vervaardigerspesifikasies

Enige skade wat veroorsaak is deur, of wat met kaggels, braai areas, gas installasies, kragopwekkers en ander verwarmingstelsels verband hou en die installasie daarvan nie aan die nasionale bouregulasies of vervaardigerspesifikasies voldoen nie.

## Aanspreeklikheidseise

Eise vir dood, besering of skade wat veroorsaak is deur of gebeur het as gevolg van:

1. eienaarskap, besit of gebruik van hysers of karre; of
2. bedryf van enige handel, besigheid of beroep.

## Ineensakkings-, deining- of grondverskuiwingseise vir:

1. skade of verlies van soliede vloerblaaie of enige ander deel van die gebou as gevolg van die beweging van die vloerblaaie, tensy die fondasie wat die buitemure van die geboue ondersteun deur dieselfde oorsaak en op dieselfde tyd beskadig word;
2. skade of verlies aan swembaddens, tennisbane, stoepe, terrasse, rylane, paadjies, septiese en riooltenke, afvoerpipe, waterweë, mure, hekke, pilare en heinings, tensy die privaatwoning of buitegeboue deur dieselfde oorsaak op dieselfde tyd beskadig word; of
3. die koste van noodsaaklike werk wat gedoen moet word om verdere verlies of skade weens ineensakking, deining of grondverskuiwing te vermy, tensy toepaslike ontwerpvoorsiening tydens die oorspronklike konstruksie van die woning en verdere byvoegings daartoe gemaak is.

## Wat gebeur as jy onderverseker is

### Gebouversekering

Jy moet jou huis vir sy vervangingswaarde verseker. Die vervangingswaarde is dit wat dit jou ten tye van die eis sal kos om jou huis, buitegeboue, mure, swembad, ens. met nuwe materiaal te herbou.

Jy moet verseker dat jy die waarde van jou dekking verhoog om die waardes in lyn met vervangingswaardes te hou.

As jy eis, sal ons die vervangingswaarde waarvoor jy die geboue moes verseker bereken. Indien jy dit vir minder as dit verseker het, sal ons slegs 'n gedeelte van jou eis betaal, bv.:

EIS	R20 000
VERSEKER VIR	R100 000
VERVANGINGSWAARDE	R200 000
BEREKENING VIR ONDERVERSEKERING	$R20\ 000 \times R100\ 000$
	<hr/>
	R200 000
EISUITBETALING	R10 000

### Warmwatertoestelversekering

Jy moet vir ons sê hoeveel warmwatertoestelle jy in jou huis, buitegeboue en buitekamers met badkamergeriewe het, verseker.

Indien jy eis, sal ons die koste teenoor die werklike hoeveelheid warmwatertoestelle bereken. Indien jy die warmwatertoestelle vir minder as die werklike hoeveelheid warmwatertoestelle verseker het, sal ons net 'n deel van jou eis uitbetaal, bv.

EIS VIR EEN WARMWATERTOESTEL	R10 000
HOEVEELHEID WARMWATERTOESTELLE VERSEKER	1
WERKLIKE HOEVEELHEID WARMWATERTOESTELLE	2
BEREKENING VAN ONDERVERSEKERING	$R10\ 000 \times 1$
	<hr/>
	2
EISUITBETALING	R5 000

**Neem asseblief kennis: Installasies moet aan die vervaardiger(s) se vereistes en alle toepaslike regulasies voldoen.**

Administrasie, Eise en Navrae

0861 47 79 11

Virseker is 'n produk van Auto&General Versekeringsmaatskappy Bpk,  
'n gelisensieerde nie-lewensversekeraar en finansiële diensverskaffer.

Enige verwysing na "ons", "deur" of "met" op hierdie dokument  
verwys na Auto&General. Bepalings en voorwaardes aanlyn.

**virseker**  
'n Produk van Auto&General